

DE LA PESTE
DIVISE' EN TROIS
PARTIES.

*Auquel est adjoint un Traicté
des vertus & propriétés
du Contrayerua.*

Le tout composé par MAISTRE CÆSAR
MORIN, Angeuin, Docteur en
Medecine.



A PARIS,

Chez FRANÇOIS IACQVIN Imprimeur,
demeurant rue des Poirees, deuant
la porte de Sorbonne.

clō Ic cll.

Avec privilege du Roy.

EXTRACT DV

pruilege du Roy

PAR grace & pruilege du Roy, il est permis à Maistre Cæsar Morin Docteur en Medecine, de faire imprimer par tel Libraire ou Imprimeur que bon luy sèblera son *Traicté de la Peste, diuise en trois parties*, pour le temps & terme de dix ans, & defences sont faites à tous Libraires & Imprimeurs, d'imprimer ou faire imprimer ledit liure sans son consentement, sur peine de cent escus d'amande, & confiscation desdits liures & exemplaires qui s'en trouueront imprimez. Et ledit Morin a choisi pour l'imprimer, François Iacquin Imprimeur de la ville de Paris: Donné à Paris le 4. Feburier, 1602. Et de nostre regne le quatorzième.
Signé

HENRY.

Et plus bas

VABRES.

Et seellé en cire iaune sur simple queue.



A HAVT ET PVISSANT
SEIGNEVR MESSIRE ANNE
DE SANSAY, Conte de Maignanes,
Baron du Bourouguel, Cheualier de l'or-
dre du Roy, Capitaine de cinquante hom-
mes d'Armes, des Ordounances de sa
Majesté.




ONSEIGNEVR,

*Je ne me fusse iamais
emācipé de matre souz
la presse ce present Trai-
té pour le vous offrir en signe & hō-
mage du seruice que ie vous dois, si la
parfaicte harmonie de vostre belle
complexion, qui reçoit volontiers de
sa main liberale quelque don que ce
soit, ne m'eust esté cogneuë. Ceste seule
consideration, dis-je, m'a prouqué de
mettre en execution mes premieres*

intentions, qui ont tousiours aspiré & respiré par vous, n'ayant eu iamais rien de plus agreable, qui ait suyui les images esleuées de mes conceptions, que l'ambition de vous cherir, servir, & recognoistre pour le vray prototype ou modelle de toute perfection. Je regrette extremement que ce n'est quelque chose de mieux poly, & que mon pouuoir n'aye peu suyure ma bõne Volõté de mieux faire, pour d'un stile plus affilé, contêter vos oreilles, qui coustumieres de chose plus serieuse, ne pourront que difficilement escouter l'harmonie d'un son si mal accordé. Aussi ie confesse que vos merites, qui vous font paroistre & aux lettres, & en la milice, & aux nauigations lointaines aussi entēdu que parfaict, requeroiēt à la verité une lāgue plus diserte que la miēne, pour l'execution & conduite de mes

desseins: mais me proposant que les
rayons de vos faueurs me seruiron
de phanal, & suppleeront à mon de-
fault, l'ay resolu de passer outre, &
d'ouurir les fenestres de mon enten-
dement pour donner lumiere à ma
volonté: vous offrant ce liuret, qui
est, attendant chose meilleure, un
fragment ou eschantillon, de mes
sainctes affections.

Le plus humble de vos tres-affec-
tionnez seruiteurs C. MORIN.



AV LECTEUR.

NE n'eusse iamais essayé
(Amy Lecteur) de re-
dire ce que les anciens &
modernes medecins ont
assez amplement traicté sur le sub-
iect de la peste, si un nouveau moyé
de luy remedier ne se fust approché
de moy, pour effectuer le proiect de
ma Volonté. Ce n'est point un reme-
de qui par la main artificielle des hō-
mes soit composé de plusieurs Ingre-
diens, c'est la seule racine que les In-
diens ont nōmée Contrayerua, &
qui depuis un an a esté descouuerte
en la terre de Mexico, autrement ap-
pellée la neuue Espagne: Racine que
i'ay le premier apportée d'Espagne

en Frāce pour ses admirables vertus
& proprieté contre la peste, qui me
l'ont fait nommer Regina radix ou
Reineracine. Je ne me suis point pro-
posé, par une faulſe illusion, d'un
grain de mil la cuisse d'Elephāt,
pour luy avoir dōné le nom de Reine
racine; ce sōt ces effets puissants que
i'ay recogneus, qui m'ont esguillōné de
dire quod vidimus testamur. Nous
tesmoignons ce que nous auons veu.
Or comme la doctrine celée c'est un
tresor caché; ou pour mieux dire, quel
que chose qui se peut parangonner au
bō Figuier qui est situé sur la croupe
d'une haute montagne, duquel le
fruct est perdu pour tomber en un
precipice inaccessible, Je n'ay point
voulu cacher le secret d'une chose
si requise & necessaire; ainsi i'ay desi-
ré la manifester à la posterité, pour en
cela obliger le public & suivre la tra-

ce des peres Romains, qui tous pour
auoir possédé ce pretieux heritage de
pieté, ont fait naistre vne gloire im-
mortelle à leur mortelle posterité:
Les vns en pacifiāt les Republiques
troublées, comme Quint. Fabric. Les
autres en chassant l'ennemy de leur
patrie, comme Fab. Maximus: Par
mesme & semblable moyen florira
eternellement la memoire du grand
Hipocrate phœnix de son âge, qui
pour auoir deliuré la Grece de pe-
ste, s'est acquis vne gloire que l'en-
uieuse morsure du temps ne luy
peut oster. A l'imitation duquel, par
vne thesme d'emulation, tous Mede-
cins sont obligés de produire & de-
clarer les remedes qu'ils auront es-
prouués & cogneus propres pour la
preseruatiō & curation de la peste;
affin que par la relation de leur con-
seil, le pauvre affligé pestiferé puisse

resister aux dures attaques de ceste
aussi desolée que perilleuse maladie
en temps & lieu: Ce que nous lisons
auoir esté curieusement pratiqué par
les anciens Medecins, qui, vne fois
l'année faisoient asssemblée dans le temple
de Diane en Ephese, afin de rediger
par escrit en des Tableaux ce qu'ils a-
uoient obserué de plus rare au traite-
mēt de leurs malades: Ainsi ancien-
nemēt vn chacun cherissoit la chose
publique, mesme iusques à dire que ce
n'estoit pas la closture d'vne ville
qui faisoit la ville: & que l'ornemēt
d'vne cité ne cōsistoit pas en la beau-
té des palais, pyramides, colōnes, me-
dailles, colosses & autres telles anti-
quailles, mais en la multitude des
bons esprits qui pouuoient seruir à la
Republique en temps & lieu.



AD DOMINVM
LAVRENTIVM

REGIVM MEDICVM
& Reginæ Archiatrum.

EPIGRAMMA.



Tu potes insolitas (fateor) compescere flam-
mas,

Cū tremulos iactat febris anihela choros,

Tu potes electi decocta vligine ligni

Languentes sanos reddere (docte) viros

Hispanos tibi sola deest selecta per agros

Pestiferam radix quæ fugat indeluem :

Hanc igitur placido quæso bonus accipe vultu

Nec critica inuentum respue fronte meum.

C. MORINVS



AD DOMINVM
MAISTREVM REGIS
Medicum & in Alma Pa-
risiensi Academia pro-
fessorem Regium.

EPIGRAMMA.



M ioue dignus eras superos ha-
bitare per agros
Docte, salutiferi gloria prima chori.
Sed quia sunt nullis Diviorum obnoxia
morbis

Pectora: te medicum Regibus esse decet.
Hoc tua te virtus merito dignatur honore,
Et quod das prestans impiger artis opus,
Ergo te medico foelix est Gallia tota,
Et quate gremio Rhedonis ora fouet.

C. MORINVS.



L'A V T H E V R,
A M E S S I E V R S
L E S B O V R G E O I S E T
H A B I T A N S D E L A
la ville de Vitré.

S O N N E T

L'A M B I T I E V S E ardeur d'une prom-
pte ieunesse

Ne se peut arrester, tousiours en mesme port
Ne se peut contenter tousiours d'un mesme sort,
A cent & cent desseins sa fortune la presse.


Semblable au L'aertin la gloire de la Grece,
I'ay long temps voyagé, errant de bord en bord,
I'ay cherché les labeurs, j'ay mesprisé la mort,
Flatté par mon destin, d'une sainte promesse.

Destin qui me iuroit un bien-heureux retour
Destin qui me iuroit, que ie pourrois un iour,
Riche de beaux butins avec que vous paroistre.

Ce destin qui m'a peu d'entre vos bras rair,
D'un feu que dans mon sein, ie sens encor renaistre
M'eschauffe & mer'apelle afin de vous servir.



SVR LE LIVRE DE Monsieur Morin.

 Ependant que Bellone en nostre sang se
baigne
Grosse de fiel, d'effroy, de tempeste & d'hor-
reur.

Que pour perdre la France ô aueugle fureur!
L'Espagnol, le François marchet sous mesme enseigne.
Morin qu'un beau soucy pour tousiours accom-
pagne.

S'en vole aux Espagnols, & sa docte valeur
Leur ravissant du sein ce qu'ils ont de meilleur
Rapporté à ses François les despoilles d'Espagne.

Si nous louons Iason qui au Colchide bor'
D'un labeur courageux ravit la toison d'or'
Pourquoy ne louons nous l'honorable conqueste.

Qu'a fait en Mechico ce Iason des François
Muse si vous m'aymez mettez luy sur la teste
Le Laurier le plus verd des Parnasides bois.

Iac. de là Fons, Aduocat en
Parlement.



IN LIBRVM DOMINI
MORINI ANDEGAVENSIS
Doct̃oris Medici.



NON sat & hispanos ritus, & noscere
fines
Non sat tecta, viros, oppida, nosse,
vias.
Non & quos habeat nunc Africa
terra recessus
Sufficit, & longuo tramite, nosse solum
Sed quos terra ferat fœtus quidue aethera gignent,
Alto iudicio, maxima & arte, iuuat.
Et cum non totas corpus peragrauerit vrbes
vndique fama volet, tecta aditura Deum.

PETRVS GATEAV,
Fontenaiensis.



ANAGRAMMATISMVS
CAESAR MORINVS
In Cosmo Rarus.



VI rumidas scidit rostris spumantibus
undas

Nosce & immenso quidquid in or-
lacet,

Quodque per incultas viridescit gramen arenas,

Quodque parit populis india terra suis.

Nonne erit IN COSMO RARVS serique nepo-
tes,

Eripient avidis scripta legenda rogis

ANTHONIUS LECHARON



L'AVTHEVR,
A MONSIEVR
DE BOISGVERIN
SON COVSIN, GOV-
verneur de la ville
de Loudun.

S O N N E T.

QOMME l'expert Typhis prudẽment regissoit
Le vaisseau de la son par valeur & prudence,
Vous regissez L'oudun, qui sous vostre assurance
N'a iamais redouté ce que Mars luy brassoit.

Puis que par vos exploits c'est heur elle reçoit
Le veux auoir de vous en mes vers souuenance,
Le deuoir m'y oblige avec que l'aliance:

Prenez donques le fruiet, que mon esprit conçoit:


Ce fruiet preseruera & les iours & la vie,
De ceux que vous auez par vostre affection,
Preseruez du danger d'une rebellion.

Car comme de leurs corps vne peste ennemie
Je pretens repousser: vous auez à vescart
Bany tous leurs desseins sans venir au combat.



Q V E C' E S T Q V E P E S T E.

C H A P. I.

 V o y que les frequentes occurrences de diuers euenemēs, puisse à la lōgue faciliter les hōmes à penetrer & cognoistre aux plus espineuses difficultez. Si est-ce que ny la longueur du tēps par le changemēt des siecles, ny les funestes occasions, qui par certains periodes nous ont trauersé, n'ont peu iusques à presēt par leur moyē, asses amplement descouurir les causes de la Peste, prononcer sa cer-

taine definition, expliquer sa nature, remarquer ses signes, la distinguer des autre maladies, ny par consequent cōclu sa methode curatiue: A tous en general il ne nous a resté pour Afile ou franchise de nostre imbecillité, que ceste superficielle replique ordinaire, par laquelle nous disons certaines choses surpasser nostre humaine nature, fuir nos sens & proceder d'une qualité occulte. Il est vray toutefois que de tous ceux qui se sont courbez à l'estude de nostre profession, il n'y a celuy qui n'ait confessé la Peste estre vne maladie tres-aiguë, maligne & dangereuse, & bien aussi souuent rebelle aux medicamens, preparez hors de saison, que venimeuse par con-

stellatiō: A leur opinion iem'accorde volōtiers quand ie dis que la Peste n'est autre chose qu'une maladie epidemique ou populaire, causee du Ciel, engendree dans l'air par vne venimeuse vapeur ennemie de l'esprit vital, & de toute son essence contraire à nostre nature. Contraire, non pour sa qualité elemētaire chaude ou froide, seiche ou humide, mais pour vne speciale propriété, telle que nous disons la theriaque luy estre familiere. L'utilité de laquelle ne se doit mesurer par aucune dimension des degrez de l'une ou l'autre qualité, mais pour autant que de toute sa composition il resulte vne forme de remede proportionné à l'esprit vital: Et c'est ce que

*Que c'est
que la
Peste.*

disoit Galien au liu. de la Theriaque à Pison parlant ainsi: *Nec est quod existimemus Theriacam & Bolum Armenam sola exiccatoria facultate prodesse in peste, quia multa sunt medicamenta quæ vehementius exiccant, neque tamen probatum est experientia ita prodesse:* Par là nous cognoissons que l'air contagieux & la theriaque, ont ie ne sçay quoy, de sublime occulte & caché en leur actiõ, l'un pour alterer & gaster nös corps, & l'autre pour les conseruer & garder. Reste maintenant, de coucher par escrit comment & en quelle forme l'un & l'autre fait son action: En quoy premierement il faut sçauoir que c'est vne necessité ineuitable de la vie que la respiration, qui mes-

me ne se peut separer de l'ecstase syncope, hysterique passio & de l'apoplexie, quoy que pour estre debile & cachee en tels accidens on l'appelle trāspiration: Par icelle qui n'est autre chose que le soufflé ordinaire du poulmon, quand l'air est contagieux il se glisse presque insensiblement dans le coffre de la poitrine, & pour lors suiuant l'effect de ce qui est poison, il assiege premierement le cœur, contre lequel il agit aux despens de l'esprit vital, puis il altere ces facultez prosterne, & desmembre ces forces à la ruine & confusion de toute l'economie naturelle: Nō toutefois sans auoir pour cause coadiuuante l'ouuerture des pores qui fait penetrer la venimeu-

se qualité de la circonference
au Centre : Voila les causes
pourquoy l'air nous peut ofen-
cer quand il est corrompu. Par
contraire action, nous dirós sui-
uant le thesme de nostre encó-
mancé, que la theriaque est vn
contrepoison familier á nostre
nature, qui prise en temps & lieu
conserue nos corps, & penetre
incontinent iusques au cœur, ou
assise au tribunal de sa ririsdicció
elle fera de sa belle prerogatiue,
qui est de le fortifier & defen-
dre de quelque iniuré que ce
soit : C'est pourquoy en temps
de Peste par vne certaine phi-
lantie ou amour de soy-mesme,
vn chacun doit promptement
courir apres ce remede à lexite-
re que toute l'antiquité a reco-

gneu pour estre louable entre tous les autres , afin de s'opposer aux principes , & preuenir la vigueur du mal: Car comme l'hydrophobie suit la morsure mal traitee d'un chien enragé, quand les veines & arteres entr'ouuertes ont desia porté le poison aux parties nobles du corps, & que de la vient le desespoir du recouurement de la santé. Pareillement quand par la nonchalance de remedier à la Peste, l'air contagieux a desia alteré nos esprits, infecté nos humeurs, & occupez les sinus & cauites des parties solides , pour lors, la cure est desplorec, *Quia serò medicina paratur* : Il faudra donc de bon heure procurer le moyen de sçauoir cognoistre la

disposition des signes qui peuvent manifester la peste, à fin de promptement courir ausdits remedes, & se seruir de l'ocasiõ du premier mouuemēt. Et pour ce faire il nous faudra obseruer, que si durant la Peste le corps estant mal disposé d'une lassitude vniuerselle, enuye de vomir, & douleur de teste, il vient à s'esleuer quelque tumeur ou eminence de chair, qui par vn prurit ou demangeon prouoque la personne à le gratter, l'on doibt tenir pour indubitable que c'est la Peste.

*Signes
de peste
quand le
temps est
contra-
gieux.*

*Axi-
me.*

Car ie diray volontiers que quelque maladie que ce soit qui vient en temps de Peste, se doit tousiours supposer Peste, ou rameau d'icelle : Ce que ie
puis

puis asseurer auoir obserué l'espace de deux ans, en vne quantité presque innumerable de pestiferez, entre lesquels ie n'ay iamais cogneu autre maladie peste melle. La cause en est attribuee à ceste contagieuse qualité, qui change les humeurs corrompus de nos corps en vne corruption semblable à soy: Car si ce poison ne faisoit son actiō par ceste trāsmutatiō, le phlegme pourry dās ces vaisseaux qui sont les veines, feroit la fiebure quotidienne continue hors des vaisseaux, la quotidienne intermittēte: Ainsi & de mesme l'humour bilieux ou colerique pourroit former vne tierce, & la melācholie vne quarte. Mais ce poison contagieux fait fleschir sous le ioug

de sa tyrannie les maladies qui luy
sont inbalternes , alterant &
changeant les corps qui sont
disposez à receuoir les impres-
sions de sa malignité , & laissant
reposer les autres iusques à ce
qu'ils ayent amoncelé par leurs
excez ou mauuaise complexiõ,
vne assez suffisante portion de
cacochymie que nous appellõs
corruption d'humeurs.

D'où et comment naist la Peste,

CHAP. 2.

*Cicéron
2. des of-
fices.*



A VTANT que c'est
vne chose aussi sou-
uent pronõcee que
veritable en effect,
de dire qu'il faut necessairement
tirer la raison d'une matiere, par

la definition de ce qui doibt se proposer en question: i'ay voulu par cy deuant expliquer & definir la peste, qui est le subiet de mon intention, ayant reserué le traicté du present chapitre, pour y deduire d'où, & cōment, & en combien de manieres elle se peut former: En quoy il faut sçauoir qu'il y a de trois especes de maladies pestilentiellles qui tiennent leur principe de l'air: Endemiques, Epidemiques & simplement pestilentiellles, qui toutes trois ont diuerses influēces en leur generation: Premièrement si l'air corrompu en la regiō inferieure, ou moyēne rencontre quelque matiere qui soit disposée à le receuoir, comme des eaux dormantes & limoneu-

ses, ou celles esquelles on aura mis à tremper du lin, du chanvre, des filamens de genest, ou de ionchee, pour faire des nattes & cordages; sans doute il produira des maladies pestilentielles, Endemiques: Le mesme peut aduenir par les exhalations qui s'eleuent de quelque lieu infecté, comme nous lisons auoir succédé en Babylone, par l'auarice des soldats d'Anidius Cassius, qui voulurent ouurir vn coffre, duquel il expira vne vapeur pestiferee qui fit mourir les deux tiers de la prouince: Pareille ou semblable incommodité peut proceder des noires & profondes cauernes, des corps morts, des sentines, ou cloaques de quelque immondice que ce

soit, par la fumee contraincte & retenuë du souffre, arsenic, vif argent, & autres mineraux de pareille qualité: La secõde espe- *La se-
conde
espece.* ce des maladies pestilentielles est des epidemiques, qui suiuent les extraordinaires & irregulieres mutations des temps & saisons: Desquelles bien à propos. Hipocrat. a traicté parlant ainsi en les Epidemies: Si l'Hiuer est froit & sec, & le Printemps trop humide, il faut necessairement que l'Esté soit accompagné de fiebres aiguës, ophthalmies, & de dysenteries: Ce qui veritablemēt succede ainsi: Nos corps sont conseruez par l'ordre des saisons, ils sont donc offencez par leur desordre. Or l'Hyuer, selon le cours de sa nature, doit

estre froit & humide, & le printemps chaud & humide: Quand donc l'Hyuer degene à sa temperature, & que son humidité est communiquee au Printemps, lors par ce changement, le Printemps pert sa qualité chaude, & retient seulement son humidité, & celle qu'il a empruntée de l'Hyuer, d'où s'ensuit que la chaleur du Printemps viét à se joindre & vnir avec la chaleur de l'Esté, & alors par la liaison de ces deux qualitez semblables, l'extreme chaleur de l'Esté qui succede à l'extreme humidité du Printemps, agit en son contraire, & fait inflammation aux humeurs, ce qui cause en apres vne infinité de maladies: Car tout principe de pourriture tient

pour fondement de son action l'excez de la chaleur & de l'humidité meslees ensemble : Ce que Hippocrate a tres-bien remarqué en la generation des maladies pestilentiellles, quand il a dict en ses Epidemies: Il faut necessairement qu'une grand pestilence suiue la conionction des grandes chaleurs, & des grandes humiditez. La troisieme espee des maladies pestiferées est considerée en la pestilence simple, ainsi appelée pour dominer absolument & simplement sur toutes les regions de l'air, qu'elle penetre avant que de paruenir iusques à nous: De sa qualité venimeuse & maligne elle offence nos corps diuersement, mais communement par siebure, char-

charbon, pourpre, vomissemēt,
syncope, pesanteur, lassitude de
tout le corps, stupidité de sens,
enuie de dormir, vomissement
& autres tels accidēs. C'est ceste
qualité dy-ie, qui pour estre im-
pliquee de mille contrarietez,
nous empesche de discourir de
sa nature & traiter de son prin-
cipe ; veu que toutes saisons,
regions, sexes & ages, sont tribu-
taires à ceste desolee contagion;
Et quoy que par raisō naturelle
le bien aduisé Medecin puisse
dire que la temperature chaude
tendant à secheresse est plus es-
loignee du hazard que nulle des
autres, si est-ce neaumoins que
par vne funeste metamorphose
bien souuent on voit le contrai-
re: Car par vne action extraor-
dinaire

dinaire tantost elle fait la guerre au phlegmatique, par fois au melancholique, & quelquefois au cholerique: Certaines annees elle se prend aux hommes, autres annees aux femmes: si ce n'est au vieil, c'est au ieune, & aux deux ensemble ordinairement: Quelque fois elle est quantitatieue, & autrefois qualitatieue; quand elle est quantitatieue simplement, beaucoup de personnes sont touchees de Peste qui ne meurent pas: mais si elle est qualitatieue, to^u ceux ou la plus part qui sont frappez de Peste, meurent. Dauantage il aduiet quelquefois que par vne constellation, vne Lune est contraire & l'autre fauorable. Et par vne plus proche consideration, ce que i'ay iamais ouy de plus

Peste notable de Lisbonne, ville capitale de Portugal.

notable pour ce qui touche la peste, c'est que par vn mauuais aspect du Ciel, en vne seule nuit dans la ville de Lisbonne metropolitaine de Portugal, l'an 1587. moururent tous les pestiferez de leur hospital, qui estoient au nombre de huiet à neuf cens: Hierome Mercurial tres-capable Medecin, nous a laissé par escrit, que l'on a veu par vn tēps pestiferé, toutes les blesseures se conuertir en peste. Certes ie ne puis à qui referer la cause de telles confusions, si ce n'est aux eclypses Solaires & Lunaires, suiuant Ptolomée, ou bien à la mauuaise conionction des planettes, entre lesquels Mars & Saturne ont beaucoup plus de pouuoir que les autres. Marcille Ficin

Florétin tres-docte Medecin, a
escriit que pour vne telle cōion-
ction l'an 1478. & 1479. il mourut
vnemoitié du mōde: Vne pareil-
le ou semblable aduint l'an 1450.
car commençant en l'Asie par
la mer Illirique & Dalmatie, as-
siega l'Italië, & par la Germanie,
la France & l'Espagne, faisant
vn tel abatis de peuple que les
deuxtiers de ces prouinces pas-
serent par la rigueur du temps:
Certes pour lors l'on pouuoit
bien dire.

*Crudelis vbiq̃ue luctus vbiq̃ue pa-
uor & plurima mortis imago.*

Voila la deposition de ce qui
peut prouuer comme l'air cor-
rompu en l'inferieure & moy-
enne region produit les mala-
dies pestilentiellles endemiques:

Le desordre des saisons les Epidemiques: Et la mauuaise influéce des corps superieurs, les maladies simplement appellees pestilentiellles.

En quels lieux & en quelles personnes la peste se prent ordinairement.

CHAP. III.

PAR longue periphrase ou circonlocution ie n'entens discourir icy pourquoy les maladies pestilentiellles sont enuoyés du ciel, par l'ire vengresse de Dieu sur les hommes, puisque les loix de nature sont en sa main & que son pouuoir est où est sa volonté. Simplemēt

& purement il me suffira, selon
ma fraisle & debile portee, de
rediger par escript les causes &
raisons pourquoy telle region
ou telle personne, semble plus
ou moins incliner à la peste:
Traité qui doibt se commencer
par les causes plus vniuerselles,
comme sont les quatre vents
principaux, de Leuant, Occidēt,
Septentrion, & Midy, que les
Nautōniers appellent, Est, Oest,
Nord, & Sud: Vents qui pour la
generation des maladies ont
esté par Hippocrate, Herophile,
Chrysippe, Galiē, & autres Me-
decins, reduits en deux vents
principaux, sçauoir est Aquilon
& Auster, c'est à dire Septentriō
& Midy: Desquels Hippocrate
au 3. de ses Apho. ch. 11. & 12. parle

ainsi : *Austri venti sunt caliginosi caput grauentes, &c. Aquilo verò tusses parit; urinae difficultatē, &c.* En quoy il faut sçauoir, que chacun d'iceux emprunte pour l'accomplissement de sa temperature vne seconde qualité: De sorte que le vêt de Septentrion froit de luy mesme, pour accompagner sa froideur, emprunte vn rhomb, ou demy quartier du leuât, sur le point de L'est, Nord-est, afin que par le mellâge d'une legere chaleur, sa froideur soit renduë plus acre. & seiche par mesme moyen: Sēblable action fait le vent de Midy qui chaud de sa nature, vient à emprunter vn rhomb ou demy quartier de l'Occidēt sur le poinct de L'ouest, Suroest, afin de se rendre chaud

& humide. Or, comme nous auons dit par cy deuant, que la chaleur & l'humidité sont les deux qualitez efficientes de corruption, il faut necessairement que les lieux opposez au Midy qui est chaud & humide, soient plus subiets & enclins à la peste que les autres lieux. Toutefois pour y estre opposez seulement comme le Nort qui regarde le Sud, ce n'est pas vne consequence necessaire, si le vent de midy entel endroit ne souffle le plus souuent & ordinairement. Ce

qui rend ce vent de Midy si pestiferé, ce n'est point pour emprunter l'humidité de la mer, sur laquelle il passe auant que de paruenir iusques à nous, comme quelques vns se sont figuré, car

*Erreur
de quel-
ques vns*

les vapeurs salees de la mer le rendroient pluſtot ſec , & par conſequent plus eſloigné de corruption, mais c'eſt pour deux autres raiſons: La premiere pour eſtre tel par ſa nature chaude & humide: La ſecôde pour eſmouvoir des vapeurs en l'air qu'il ne peut diſſiper à cauſe de ſa debilité. Les lieux propres pour recevoir les vapeurs corrompues de l'air ſont les lieux mareſcageux, les deſtours, grottes, cauernes, & vallees, qui ſônt ſituees à l'abry du Septentrion , & au deſcouuert du Midy. Mais ceux qui ſônt expoſés au ſouffle du Nort ſont peu ſouuênt offenſez de la Peſte, pour trois raiſons: La premiere eſt, que ſi le chaud & humide, ſont cauſes efficientes de corruption,

ption, les froides & seiches sont leurs contraires: La seconde est, que le vent de Nort est fort puissant pour purifier la venimeuse qualité de l'air. La troisieme est, la froideur qui contraint & resserre la chaleur naturelle de nos corps: Ainsi nostre chaleur vnie est plus forte que diuisee, & par consequent plus propre pour digerer les immondices & superfluitez qui pourroient causer en nous quelque actiõ de pourriture. Voila les causes & raisons pourquoy certains lieux sont enclins à la Peste, les autres non. Reste maintenant à determiner l'actiõ de l'air qui altere les corps qu'il rencontre disposez, & de dire avec la commune escole: *Que Agens agit in passò disposito,*

Autrement l'air corrompu agiroit vniuersellement. C'est d'oc chose asseuree que les corps disposez à ceste action sont ceux qui par vne discrasie & mauuaise complexion naturelle, ou cacochymie accidentale, sont confits en corruption d'humeurs; Ceux, dy-ie particulièrement, qui sont de chaude & humide temperature. De mesme predicament sont les gourmans & yurongnes, car leur chaleur naturelle, foulée d'une trop grande multitude d'aliméts, & presque comme suffoquee, ne peut digerer le tout, si bié qu'une partie se change en nourriture, & l'autre partie en corruption.

Galien nous a laissé par escrit, que les femmes & enfans, à cau-

se de leur humide molle & delicate nature estoient plus subiects à la Peste que d'autres personnes: Ce que ie crois volōtiers, car à la verité, les estoupes sont plus faciles à brusler que le bois sec, & le bois sec, que le vert. Ainsi & de mesme, l'air pestiferé infecte premierement les esprits, puis les humeurs, & finablement les parties solides du corps.

Par quel moyen l'hōme est plus aysé à offenser de l'air contagieux & plus delicat en toute chose que nul autre animal que ce soit.

CHAP. III.

L'Hōme, pour estre composé de parties extrêmement sensibles, bon gré mal gré, en respirant, reçoit la bonne ou

mauuaife qualité de l'air, qu'il hume & inspire par le benefice du poulmõ & des vaisseaux de la respiration. Quand il est bon le poulmõ l'attire pour se nourrir du meilleur & rafraichir le cœur du reste. Mais s'il est mauuais & corrompu, par quatre moyens le cœur en est offensé au grand preiudice de tout le corps: Premièrement & bien souuent de toute la substance, quand il est trop espois & grossier, pour lors sa qualité qui est lente & impropre au mouuement, ne permet pas qu'il sorte du corps où il est entré, si bié que logé au dedans il s'attache à nos parties, gaste nos humeurs, & infecte nos esprits: Secondement pour estre venimeux par vne qualité oc-

culte, ou pour auoir vne particuliere antipathie avec l'esprit vital. Tiercement pour estre apertement venimeux, à cause de la puanteur & putrefaction, causée des corps morts cōsommez en vapeur: Et finalement quād il est trop chaud, trop froit, trop sec, ou trop humide. Partant nous deuons sçauoir qu'il y a deux choses en nature qui ont ensemble vne guerre continuelle: La generation à sçauoir & la corruption. Par le changement dū temps il aduiēt que l'vne succede à l'autre, & n'ōt toutes deux pour milieu de leurs extremitiez que la priuation: De leurs differents l'homme est le iouēt ordinaire, Animal opposé à leur querelle, qui n'a aucun moment

de repos, que quand la priuation de son estre a rendu la corruptiō victorieuse de sa generation: Creature sensible qui n'a pour gage de sa debilité que la briefueté de ses iours. *Natura enim certè nihil homini breuitatē viā præstitit melius.*

*Plin. 2.
en l'in-
trodu-
ctoire
du 7. li.
de ces
histoires
naturel-
les.*

Pour moy, ie dis que l'homme est semblable à l'Ephiméron qui naist au leuer du Soleil, & meurt à son coucher: le matin est sa ieunesse, le midy la fleur de son aage & le soir est sa caduque vieillesse: Ou: pour mieux dire, sa naissance, c'est vne mort, son berceau vne tombe, & son principe c'est vne fin. Helas, dit Pline, quelle desolee condition, que l'homme le plus fier de to^r les animaux, puisse estouf-

fer dans le ventre de sa mere, qui en le portât aura senty la vapeur d'une chádelle esteinte! Certes, pauvre homme, il semble que nature se soit renduë marastre en ton endroit. Elle a donné aux autres creatures sensitiues & vegetantes quelques armes defensives pour resister à l'injure du temps. Au taureau pesant la force; au Lieure craintif, la vitesse, à la Tortuë la dure escaille, à l'Herisson vne peau espineuse, & aux arbres la dure escorce: L'homme seul reste tout nud qui en naissant, ignore toutes choses hormis l'action de pleurer, & si iamais ne rit qu'il n'ait quaráte iours passez. Mais quoy, dira quelqu'un, l'homme chef

Pline en l'isagoge du 7. li. de ses hist.

des œuures de Dieu, vray proto-

type ou modelle de son image, deuoit participer à la nature des Anges, & neantmoins le voila passif à toute action & subiect à toute espeece de misere: A quoy ie respons qu'à la verité son estre auoit vn tel symbole de similitude avec les Anges, que la nature de l'vn & celle de l'autre estoit presque semblable: Mais que le peché de nostre premier pere par la transgression de la loy luy a osté ceste belle prerogatiue. Ce qui nous est confirmé iournellement par l'accroissement du peché: car à mesure que le vice croist, & pareillemēt Dieu nous afflige par diuers moyens, mais ordinairement par les mesmes fleaux qu'il fit esprouuer à nos peres: com-

*Exem-
ple des
fleaux
de Dieu
par guer-
re, peste
& fa-
mine.*

me à Dauid par vne extreme *table du*
 Peste, à Ionas par vne grande *tēps de*
 famine, & à Nabuchodonosor *Dauid.*
 par vne sanglante guerre. *Famine*

C'est ainsi dis-je que nos corps *notable*
 sōt oppressés de maladies par nos *du tēps*
 pechez & nostre vie desordon- *de Ionas.*
 nee: Par nostre vie desordonnée, *L'âge en*
 car si nous voyons le cheual, le *uoyé du*
 chien, le bœuf, & les autres ani- *ciclexter*
 maux brutes, estre plus parfaits *miner.*
 en la disposition de leurs corps *Huictā-*
 que nous ne sommes, il faut at- *te mil et*
 tribuer telle perfection à l'ordre *tāt d'As-*
 reiglé de leur vie, qui tousiours *siriēs du*
 est vne mesme chose: Ils ne font *tēps de*
 point de conuis, de festins, ny *Nabuco*
 d'assemblees pour forcer leur *donosor.*
 nature. Leur boire & manger est *Pour-*
 mesuré, en leur exercice & re- *quoy les*
 pos il n'y a point d'excez, & si *ani-*
maux
brutes
sont plus
parfaits
en leur
disposi-
tion cor-
poelle
que les
hōmes.

font extrêmement chastes : Car tous ont vn temps limité pour l'action charnelle, hormis la caualle: Et ce qui anime vn chacun d'iceux à pratiquer telle action avec son semblable, ce n'est pas la volupté, mais le seul instinct naturel, qui leur fait poursuiure la propagation & conseruation de l'espece : C'est ce bon ordre de viure, dy-je, qui fait que parmi leurs sexes il n'y a point de bossus, boiteux, graueleux, goutteux, & autres semblables: Mais d'homme tout confus en sa vie qui ne veut obeir à aucune loy, pour salutaire qu'elle puisse estre, se laisse transporter à sa sensualité, & se perd en continuant les appétits effrenez : C'est pourquoy il aquier quantité d'hu-

meurs corrompus, qui ay sémēt
se viennent ioindre à la corruptiō
de l'air infecté quand le temps
est pestiferé. Voyla comment
l'homme par sa vie desordonnée,
pour estre d'yn exacte sentimēt;
& d'vne trempe plus molle que
nul autre animal, reçoit facile-
ment l'impression de quelque
genre de corruption que ce soit.

*Comme la Peste suit ordinairement
les grandes famines.*

C H A P. V.

QUAND par punition
celeste ou par l'euerſion
des saisons, la terre no-
stre mere nourrice, vient à chan-
ger les grasses moisſons, en mai-
gres & piquans chardons, & que

*Gal. au
chap. 3.
du liure
I. de Dif-
ferentijs
Febrin.
Et au co-
mentai-
re sur le*

2. liure
d'Hipoc.
de natu.
ra hu-
mana.

Par necessité l'indigent vient à mourir de faim, ou s'abandonner aux herbages & fructages venimeux, au vin poussé, & à l'eau corrompue, & choses semblables, pour alentir la faim qui le presse, & sustenter sa foible nature, alors c'est vne chose ordinaire, que de voir succeder la peste à la famine. Ce qui aduient volontiers pour deux raisons: Premièrement à cause du poison des choses susdites, qui pour suivre la cōmune actiō des venins, se met en deuoir de trauerser l'esprit vital, & de l'assiéger dans son fort qui est le cœur, par les attaques d'un si rude conflict, qu'il ne cesse de continuer, iusques à ce qu'il ait de sa quantité ou de sa qualité emporté le pris,

& gagné le fort. Car apres s'estre ainsi logé vne fois dans le cœur, par l'antipathie ou contrariété de sa nature avec celle de l'homme, supposé qu'il face rencontre d'un subiect disposé: il altere premierement la chaleur naturelle & l'esprit vital, puis il change les humeurs du corps en vne corruption semblable à la sienne: d'où procede en après la ruine totale de l'economie naturelle, par la confusion generale des parties du corps qui ne font plus leurs premieres & principales fonctions qui estoient de repousser le mauuais air, corriger l'impefection des choses contraires, recevoir les alimens, les digerer & distribuer en la premiere, seconde, & troisieme di-

gestion. La 2. raison pourquoy la Peste suit ordinairement les grandes famines, c'est la multitude des corps morts de faim, ou de poison mangé, qui espars deca & dela sur la face de la terre sans sepulture, se pourrissent, & par leurs vapeurs venimeuses viennent à infecter l'air. Telle fut la peste de l'an mil quatre cens treize & huit, suscitée par ceste notable famine de Turin, & de tout le Piedmont. L'an mil cinq cens nonante & quatre, i'estois en Italie à la coste de Gennes, où par famine la peste fut causée assés forte. Le premier mort de ce meschef fut le Cardinal de De aqua vivend pour lors Legat d'Avignon qui fit charger à Marseille, vne Galere, deux

Nauires, & 12 Tartanes de bled,
pour suppléer ceste année là aux
incommodités de la Toscané:

Tellement que les pauvres Ge-
neuois qui n'ont autres greniers
ordinaires que la Prouence, &
le Languedoc, d'où le Cardinal
auoit tiré les bleds, furent extre-
memēt affligés de peste, à cause
de la multitude des corps qui
moururēt de faim. Puisque dōc
semblables euenemens qui ont
fait souuent succeder la peste à
la famine, sōt assés cognus, reste
maintenāt d'expliquer par quel
moyen & comment certains
fruiets ou certaines herbes peu-
uent corrompre & alterer nostre
nature: En quoy il faut sçauoir
que les venins ou poisons al-
terent nos corps en cinq manie-

res : Premièrement par vne qualité occulte, ainsi appelée, pour n'estre cogneuë, ou pour estre difficile à cognoistre, comme le vif argent, duquel la dispute est tres-grande: Le Conciliateur tient qu'il est froit, & le prouue par l'histoire d'un Apothicaire qui en auoit beu sans y penser: Car, dit-il, comme il fut ouuert on luy trouue tout au tour du cœur grãd quãtité de sang cõgelé: Dioscoride dit qu'il est froit & pour sa froideur qu'il est fort pesant & froit actuellement: Les autres le tiennẽt pour estre froit à cause qu'il offense les nerfs, qu'il engendre la paralysie & la conuulsion. A l'opposite du Conciliateur de Dioscoride & des autres, pour preuue de sa chaleur

Contra-
diction
sur le vif
argent.

L'opinio
du Con-
cilia-
teur.

Hystoire
d'un
Apothi-
caire.

L'opinio
de Dios-
coride.

leur, Gal. leur antagones, au contraire, le met au nombre des venins qui agissent de toute leur substance, & croit qu'il n'est pas seulement chaud, mais composé de parties fort subtiles. Surquoy il auroit fait cest argumēt en l'vnzième de la Methode, parlant du vif argent.

*l'opiniō
de Gal.*

Aucune chose froide ne peut estre de subtiles parties:

Mais le vif argent est de parties fort subtiles.

Donc le vif argent ne peut estre froid.

Ce qui peut arguer qu'il est chaud & de parties fort subtiles, c'est qu'il fait mourir les poulx, cirōs, puces, & autre telle vermine, & si leur imprime vne rougeur par laquelle il semble que le feu

y ayt passé. Ioint que le vif argët, qui est le furet de la verolle, chafse l'humidité superfluë du corps par le flux de bouche qui est vne action indicatiue de sa chaleur:

La conclusion du vif argent est encore sous le decret des medecins.

I'en laisse toutefois la conclusiõ à ceux qui aurõt le loisir de la resoudre: Et diray, pour reuenir à la differëte action des poisons, que secondement ils agissent par vne extreme chaleur, qui embraze le cœur premieremët, & consecutiuelement le reste du corps, cõme fait la noix vomique, la squille rouge des Indes, la sardoire, le ranunculus, & leurs semblables: Tiercement par vne extreme froideur, qui gele le sang dás nos veines, estouse nostre chaleur, & transite d'vne froide glace toutes les parties du corps, cõme le pa-

uot, la ciguë, la morelle, la mādra-
gore, & les autres qui sont froids
iusques au quatriesme degré. La
quatriesme actiō des poisons se
doit cōsiderer és choses qui ont
vne certaine qualité pyrotique
& caustique, c'est à dire qui brus-
le, & cauterise les parties du corps,
en les vlcerant & rongeat, cōme
les anacardes, la semence de ge-
nieuure, l'arsenic, le sublimé, la
thapsie, & les autres semblables:
La cinquiesme & derniere actiō
des poisons, consiste en la quali-
té venimeuse des fruiets ou her-
bages, racines, ou minéraux qui
font l'hypercatharse, c'est à dire
qui purgent iusques au sang, cō-
me la chastaine Indienne, l'el-
bore noir, la coloquinte noire,
l'antimoine, les thitimalles, le

pain de pourceau, la coleuurée, thimelée, chamelée, l'herbe aux foulons, & vne infinité d'autres: Voila les moyens par lesquels la venimeuse qualité des plantes, herbes, racines, semences, & fruiçts, chäge & altere nos corps en pourriture: & ce qui cause volontiers que pour les manger par necessité la peste suit la famine: Auensoar Medecin Arabe, nous a laissé par escrit, que d'une extreme famine l'on a veu des hommes tirer les corps des monumens, manger leur chair, briser leurs os, en manger la moelle, & deux heures apres expirer l'ame: Chose à la verité aussi horrible à prononcer, que difficile à croire.

*Notable
famine.*

*Des signes & présages de la
Peste future.*

CHAP. VI.

TOUTEFOIS & quant-
tes qu'en la fin de l'e-
sté, & au commence-
ment de l'Automne, il
se multipliera en l'air impres-
sions, comètes, qui sont appellées
par les Philosophes ; Cheures
volantes, & que la terre s'ouurira
& tremblera pour quelque gran-
de ou forte vapeur qui voudra
sortir de ses entrailles, si pendant
ces termes les estoilles viennent
à fuseler souuent, & que le ton-
nerre soit frequent, par ce que
lors il se fait yne grande reuolu-
tion des corps celestes, & des

corps inferieurs, infailliblement il faut en bref attendre quelque defastre de contagion. Et pour signes seconds si nous voyons esclorre multitude de certains animaux, qui n'ont pour principe de leur estre que la corruptiō de la terre, comme grenouilles, taupes, mulots, vers, mouches, cigales, fauterelles, papillons, buprestes, escargots, limassons, & autres : il faut pour lors s'asseurer de quelques maladies contagieuses. De pareil ou semblable euenemt nous menace le soufflé ordinaire du vent de midy, qui retient ces nuages & vapeurs sans faire aucune crise de son humidité superfluë qui doit se terminer en pluye, car par ce moyé l'air demeure troublé, & si void

on quelque fois retrograder les nuages du pole antarctique à l'arctique, c'est à dire du midy au Septentrion, contre le cours ordinaire de sa nature. Finablement le docte & prudent Medecin peut arguer vne peste future par l'euerfion de la saison, quid vn ordre preposteré fait succeder la chaleur au froit, le froit à la chaleur, mais principalemēt si vne extreme chaleur suit vne grāde humidité; Car lors les regiōs de l'air se réplissent de grosses vapeurs corrompues, qui viennent en forme de roses contagieuses a descendre sur les fruiets de la terre, d'oū il aduiant en apres que ceux qui en mangent sont facilement espris de la peste: Tellemēt qu'aujourd'huy à ceste consideration,

*Oecono-
mieu-
stique.*

c'est vne loy en bergerie de rete-
nir quand le tēpsest contagieux,
les troupeaux dans leur repaire
iusques à ce que le Soleil soit le-
ué, à fin que la chaleur vienne à
dissiper ceste venimeuse rosée
qui gaste leur pasturage.

*Des signes que l'on doit obseruer
en vn corps pestiféré*

CHAP. VII.

LA Peste, pour estre de
toute sa qualité fort
venimeuse, biē qu'el-
le ayt pour marque
de ses effects ordinaires, certai-
nes impressiōs, qui sont les sym-
ptomes ou accidens insepara-
bles de sa malignité; si est-ce que
maintefois, par sa trompeuse
malice

malice, elle est si secrette en son action qu'il ny a nul moyen par aucune voye de doctrine que ce soit, de iuger l'estat de son estre. La cause de ce mystere, se doit attribuer à la subtilité de son venin qui se glisse dans le corps insensiblement, lequel pour ne rencontrer vn subiet rebelle, fait son action sans trouuer resistance, coupant bien souuent la gorge à son homme auant qu'il ait apparu ny fiebure, ny charbon, ny aucuns des accidens qui suivent la peste: Ce que i'ay maintefois obserué en plusieurs pestiferez, & particulierement en vn gentilhomme Espagnol, nommé Don Alonce Derual, qui mourut en ma presence, sur le sucil de la premiere porte de son logis,

*Histoire
d'un Gentilhomme
Espagnol.*

deuisant familieremēt avec moy
des remedes qui feroient pro-
pres pour vne lassitude de tout
le corps, & pour vne legerē dou-
leur de teste. Certes ie ne puis à
qui referer la celerité d'une actiō
si momētance, si ce n'est à la sub-
tile, maligne, & cauteleuse natu-
re du virus pestiferé, & à la deli-
cate complexion du patient, qui
estoit enclin à la peste, cōme le
soulphre au feu. Car quelque-
fois par vne contraire action, il
se fait rencontre de parité, c'est à
dire, que l'air corrompu attaque
le corps d'un homme robuste:
Et pour lors par le combat mu-
tuel de l'un & de l'autre, ou l'es-
prit vital chasse le poison pestife-
ré par le poulmon, ou le poison
entre de force, & domine l'esprit

vital. Et en tel cas, si par vne forte
 defensiue, l'esprit vital demeure
 maistre du conflict, l'air infecté
 s'en va chercher vne autre retrai-
 te. Mais si l'air contagieux triom-
 phe de different, pour lors il im-
 prime sur le pauvre corps qui luy
 est comme esclaue, les venimeux
 caracteres de sa mauuaise qualité
 ioignant à la fiebure l'un ou l'au-
 tre, & la pluspart des accidés sui-
 uans, par lesquels on doibt co-
 gnoistre la peste d'entre les au-
 tres maladies: Sçauoir est le Bu-
 bon, charbon, ou inflammation,
 le pourpre qui se presente en for-
 mes de rougeurs, semblables aux
 morsures de pulces, lassitude ge-
 nerale du corps, difficulté de re-
 spirer, vne extreme enuie de dor-
 mir, debilité de pouls, syncope,

*Les si-
 gnes &
 accidens
 insépa-
 rables de
 la peste.*

alteration, la langu enoïre, seiche & aride, vomissement, morsure en l'orifice de l'estomach, grande douleur de teste, avec vn estourdissement ou frenesie, la face palle liuide, ternie, ou emflâbee, la veuë escartee, ardeur en la poitrine, essancement & palpitation de cœur, froideur quelquefois aux extremitez, & les vrines troubles. Quant aux charbons & bubons, qui suivent ordinairement la Peste, il faut les considerer plus ou moins dangereux selon leur situation. Car ceux qui sont aux emonctoires des parties nobles, sçauoir est aux aynes, sous les aisselles, & au derriere des oreilles, sont plus dangereux que les autres: Et pour difference des emonctoires, la peste qui est

soubs l'aisselle, est plus à craindre, que celle qui est à l'aine, ou au derriere de l'oreille, à cause du cœur & du cerueau qui luy sont proches. L'on doibt aussi considerer le temps de leur sortie, car s'ils ont apparu deuant la fiebure, c'est vn bon signe, d'autât que le venin est moins furieux, & que nature est demeurée victorieuse: Mais au contraire s'ils ont apparu apres la fiebure, cela viét de l'impetuosité du venin, lequel domine. Partant, c'est vn signe pernicieux, & le plus souuent mortel. Apres auoir ainsi obserué la situation des charbons & bubons, leurs accidents, & le temps de leur conformation; il faudra aussi recognoistre, si par la corruption de la masse sanguinaire, il ne s'est

point esleué de pourpre, & mesme iusques à examiner sa nature qui doibt se coniecturer plus ou moins dangereuse selon sa couleur. Car s'il est rouge c'est le sang alimentaire qui est offensé : S'il est iaune tirant sur le vert, c'est la bile: s'il est noir, c'est la melancolic: & s'il est violet, c'est la bile & la melancolie meslees ensemble, qui sont extremement à craindre: *Quidquid enim præternaturam est, quanto magis recedit ab eo quod est secundum naturam, tanto cõsetur periculosius.* Car dit Hipocrate au 5. des Aph. Tout ce qui est sorty des limites de sa nature, tant plus qu'il est reculé de sa perfection, & plus il est perilleux.

Pour conclusion, il faut noter que quelque enfant que ce soit

qui en temps de contagion, est surprins, ou de rougeolle, ou de petite verolle; doit estre tenu infailliblement pour pestiferé, à cause de sa tendre nature, qui ne peut resister à la cōtagieuse qualité de l'air. Voyla l'exposition la plus briefue qu'il m'a esté possible de faire sur le traicté des signes de la Peste, que chacune personne doibt curieusement examiner en temps & lieu, tant pour secourir charitablement son prochain, que pour se conserver soy-mesme.

*Du deuoir des Magistrats, Escheuins, Consuls, & autres officiers
qui ont charge de police.*

CHAP. VIII.



QVAND par le iuste iugement de Dieu, le fleau de la Peste aura parue-
nu iusques à tesmoi-
gner les erres de sa mauuaise
qualité, pour lors le bon Magi-
strat, ou quelque autre officier
en police que ce soit, est obligé
de veiller aux funestes occasiōs,
& pour le secours populaire, de
s'oposer à tout ce qui peut entre-
tenir & fomentier la contagieuse
qualité du tēps: Dōnant ordre
premierement à l'expurgation
des immōdices d'une ville, par la
vuidāge des corps morts de quel
que espece qu'ils puissent estre:
Parcillement d'empeschier par
defense de publication, la vente
des

des bleds corrompus, de la chair infectée, du poissõ pourry, & telles choses qui peuuent nuire par leur mauuaise qualité. Ils doiuent aussi tenir vn Arsenac, ou Cõclau public, destiné pour la retraite des pestiferés, affin que les malades soiēt sequestrés d'auec ceux qui sont bien disposés. Il conuiendra en pareille occasion faire election de certains Janissaires, ou portiers de villes, & d'un commis, pour enregistrer ceux qui vôt & qui viennent, auec autant de fidelité comme qui voudroit garder la ville de surprise. Item si l'on cognoist quelque cauerne circonuoisine ou quelque fondriere par l'esgout & desgorgement de laquelle l'air à la leuée du Soleil se puisse

corrompre, il faut promptemēt
la combler pour fuir aux acci-
dens qui en peuuent suruenir à
l'imitation de ce grand Philoso-
phe Empedocle, qui par ce
moyen deliura la Sicile de peste.
Dauantage l'on establi ravne loy,
par laquelle soir & matin cha-
que famille, selon sa portée,
sera obligée à faire du feu
deuant la porte de son logis,
afin que par le rencontre de la
nuict humide qui succede au
Soleil couchant, le feu soit com-
me vn arbitre de leurs differētes
qualités. Par ce seul moyen Hip-
pocrate chassa la peste de Grece,
en memoire dequoy il fut sur-
nômé Le pere tuteur de la Gre-
ce. C'est aussi vn article de poli-
ce que de s'opposer à la vête pu-

blique ou priuée, des lingeries, foyeries, draperies, & autres telles choses qui peuuent contracter la qualité de l'air cōtagieux, & ruiner non vn village ny vne ville, mais tout vne Monarchie: *Histoire.* Ce que nous lifons auoir succédé l'an 1581 en la coste d'Espagne par l'euenement de certaines Galeres Siciliennes chargées de hardes pestiferées, sās toutefois (chose miraeuleuse) que nul des forçats de ladite Galere fust infecté de peste. Toutes choses fidelemēt administrées, il faudra vaquer à l'entretien d'une bourse publique pour suppleer à la necessité des pauvres : & finalement donner ordre que les corps morts soient promptemēt enterrés, car les corps morts de

Chose notable.

peste sont plustost pourris en trois heures, que les autres en deux iours. On doit toutefois establir des commissaires pour visiter les corps, auant qu'ils soiēt portés au charnier, car l'an 1601. comme i'estois en Espagne dans Seuille, vne femme pestifere, appelée Catharina Lopes, tombee en foiblesse de cœur, fut portee viue au charnier des morts: Son mary, pour la tirer de ceste peine, fut saisi de peste, dōt il mourut par la fidelité de son amitié.

*Histoire
d'une
femme
Espa-
gnolle.*





PARTIE SECONDE,
 QUI COMPRAND LA
*methode de se preserver en
 temps de Peste.*

Et premierement de l'Air.

CHAP. I.

C'EST en Medecine,
 vne resolution irreuo-
 cable, de croire que
 l'ordre du viure regi-
 mé, ne se doit seulement consi-
 derer en la quantité ou qualité
 du manger & boire; mais aussi en
 l'usage mesuré des six choses nō-
 naturelles, qui sont,

- 1 L'air;
- 2 Boire & manger,
- 3 Mouuement & repos.
- 4 Somneil & veille.
- 5 Excretion & rétention.
- 6 Et les fonctions de l'ame.

Nous les appellons causes non-naturelles, pour autât que n'estât point essentielles, c'est à dire contractées du ventre de la mere, elles peuuent conseruer ou corrompre les corps de ceux qui en scauent yser ou abuser. Or pour autant que le discours seroit long, & moins comprehensible, si ie les voulois traiter toutes en general en vn mesme chapitre; l'ay mieux aymé leur assigner à chascun vn chapitre particulier, pour les esclaircir, que de les obscurcir par vne infinité de digressiōs qu'il

m'eust fallu faire pour authoriser mon dire en les expliquant: Premieremét donc ie diray, suyuant Galien, Que l'air est vne cause, sans laquelle la maladie ne se peut guarir, ny la santé se conseruer: Cause qui produit volōtiers les effects de sa bonne ou mauuaise qualité par l'exercice de la respiration, qui attire, bon gré mal gré le bon & mauuais air indifferemment. De là il aduient que l'air inspiré par neccessité, & qui se glisse insensiblement dās le poulmon, veine arterieuse, artere venieuse, diastole & systole, & consecutiuelement par tout le corps, peut conseruer ou corrompre nos corps, tout autant qu'il est plus ou moins corrompu, & que le cœur est

*Gal. lib.
de aëre
locis &
aquis.*

robuste ou debile. Or quelle est la qualité de l'air nous le pouuons coniecturer par la consistance & couleur de sa substance. Car quand il est naturel, c'est à dire familier à nostre nature ; sa consistance est rare & subtile, & sa couleur transparente ; diaphane, & luisante : Mais s'il est espais & brumeux en consistance, & obscur ou nebuleux en couleur ; tel, pour estre ennemy de nostre nature, est vn air mauuais qui facilement altere & change nos corps par la corruption. Quelqu'un voudra peut estre obiecter, que, suiuant le texte formel d'Aristote, l'air ne se peut corrompre: Ce qu'il auroit confirmé bien à propos dans son liure De la longueur & briefueté de la

Obiection.

vic, & en les questions proble- *Respōse.*
 matiques. A quoy ie respons que
 l'air se doibt considerer comme
 simple ou composé : Le simple *Air sim-*
 n'est autre chose qu'une qualité *ple.*
 elemētaire pure & immixte, qui
 ne peut, suiuant Aristote, subir
 l'iniure d'aucune corruption que
 ce soit : Le composé, est vn corps *Air cō-*
 formé de fumees, & d'une va- *posé.*
 poreuse exhalation chaude &
 humide; Air qui se peut alterer &
 corrompre substantiellemēt: cōme
 tresbien le mesme Arist. le tes-
 moigne au 4. des Metheores: Si
 bien que quād nous disons, que
 l'air est corrompu en sa substan-
 ce, il ne faut pas entēdre que l'air
 le soit proprement, mais impro-
 prement, & par l'euenement ca-
 suel d'une matiere estrangere

qui s'esleue de la terre; de laquelle il n'est pas corrompu, mais rendu propre à la generation de diuerſes maladies, ſporades, ou epidemiques. La cauſe pourquoy l'air ne ſe peut corrompre, c'eſt d'autant qu'il a beaucoup de feu, qui eſt vn Element ſur tous les autres rebelle & ennemy de la corruption: Ioint que noſtre mere nature, qui ſ'eſt eſtudiee à la conſeruatiō des animaux, a voulu compoſer l'air (qui nous eſt tres-neceſſaire) d'vne bōne temperature, à fin que l'homme particulièrement, cōme chef-d'œuvre de ſa main, fuſt cōſerué en ce monde elementaire, par la ſymetrie, ou concordāce, des bonnes qualitez de ſon temperamēt: Que ſi nature ſe fuſt oubliée de

La cauſe pourquoy l'air ne ſe peut corrom-

donner ordre à vne chose de si grand' consequence, & que l'air eust esté subiet à putrefaction, certes l'homme quine peut viure *Nota.* plus de douze minutes sans respirer, eust continuellement attiré l'air corrompu en respirant, aux despens de la briefueté de sa vie.

Ce que considéré, nous dirons *Conclusion de l'air.* l'air estre incorruptible de foy, qui toutefois accidentalement est rendu propre & disposé à la generation des maladies, par l'e- *Gal. 1. de differ. feb. cap. 3.* uersion des saisons, & la reuolution des corps superieurs, & par les exhalations des vapeurs qui s'eleuent des palus, estangs, marécages, corps morts, cauernes, & autres choses de pareille qualité. Si par le desordre des saisons l'air est infecté, ou par la re-

uolution des corps superieurs, necessairement il faut que ceux qui sont d'une complexion semblable à l'air corrompu, soient offensés de l'air, qui tient affinité de temperament avec leur nature: Ainsi l'Hiver, l'air estant infecté, le phlegmatique est incômodé, au Printemps le sanguin, l'Esté le cholérique, & l'Automne le melancolique. Par une pareille sympathie de temperament, l'air infecté de la vapeur d'un homme mort & pourry sans sepulture, offense l'homme ordinairement: celui du cheval, le cheval: du bœuf, le bœuf & de leurs semblables, la mesme chose: Ce n'est pas toutefois que l'action soit reguliere; car de quelque corps pourry que ce soit, l'homme qui est compo-

se de parties fort sensibles, se peut
offenser facilement. Et c'est *Conseil.*
pourquoy quand l'air est infecté
de quelque occasion que ce soit,
ie conseille à toute personne de
suiure le vol du milan, qui iamais
ne fait sa demeure és lieux où l'air
est corrópu : Car Hippocrate le
premier en sçauoir de tous les
Medecins qui iamais ont regné,
quoy que tenu pour oracle de
son temps, iamais n'a peu trou-
uer meilleur remede contre la
peste que, *citò & longè fugere, tar-*
dè redire. Et comme ce bon vieil-
lard, qui auoit les secrets de natu-
re en sa main, la raison & l'expe-
rience pour fideles compagnes
de sa doctrine, sçauoit bien
que la crainte estoit le plus dan-
gereux accident de toutes les

passions de l'ame, il conseilloit vn
chacun de se resiouyr, & de ban-
nir au loin les tristes impressions
melancoliques: Car, disoit-il; *Pe-
stis sanè similis est Crocodillo, qui per-
sequitur fugientes, fugit persequētes:*
C'est à dire, q; la peste est séblable
au Crocodile, qui poursuit ceux
qui le fuyent, & fuyt ceux qui le
suiuent: Or s'il aduient que quel-
qu'vn soit obligé par famille, pa-
renté, amitié, ou autrement, de
sejourner en lieu où l'air infecté
est present, il luy faudra procurer
la correctiō de l'air, qui se doit ad-
ministrer par feu & fumees de
bois, herbages, & gommes aro-
matiques, comme sont les bois
de genieure, le bois de rose, de
l'aurier, de rosmarin, les fouches
de vigne, la lauande, le stecado, la

saugé, serpollet, marjolaine, encens, olyban, mastic, benjoin, storax, tacamahaca, & autres: Tout bois gommeux y est tres-propre, tant pour sa chaleur, que pour sa qualité oleagineuse, qui resiste à toute sorte de putrefaction. De telle espece sont le pin, sapin, le petit chastaigner de l'Americq; qui porte le tacamahaca, & vne infinité de semblables. L'air estant corrigé de mesme, il faut se garder de trauailler le corps en quelque exercice que tesoit; Car par l'excez du labeur il se fait vne generale ouuerture des pores, & si le poulmon attire beaucoup d'air, en respirant: ce qui cause, que l'air corrompu, logé dans le coffre de la poitrine, par la frequente respiration, of-

fense premierement le cœur par
 la veine arterieufe, & l'artere vei-
 neufe, puis le foye, par les ra-
 meaux de la veine caue ascen-
 dante, qui fourniffent le fang au
 cœur; Et finablement le cerueau
 par l'odorat & les vaiffeaux qui
 qui luy portent le fang & l'esprit
 vital: Si bien que peu à peu il viét
 à dominer nos fens, infecter nos
 esprits, & corrompre nos hu-
 meurs, alterant premierement
 le cœur, le foye, & le cerueau, &
 cōfequitiuement le refte du corps:
 Ainfi les membres principaux
 interrefsez, le corps de l'homme fe
 peut parangoner à vn nauire, du-
 quella tourmente a brifé le gou-
 uernail, car comme l'vn craint
 l'eau, l'autre craint la terre. Voyla
 les

*Compa-
raison.*

les deux principales precautions de l'air corrompu ; reste la troisieme, qui consiste en l'election de certaines estoffes , affectees pour se vestir & couvrir; en quoy il faut preferer la soye au drap, & l'estoffe rase à la cotonee, le buffle ras, la toile, le camelot, le treillis, sont tres-propres pour se couvrir en temps de peste, mais les estoffes, frisees spongieuses, & qui ont leur poil leué en forme de toison, sont subiettes à loger l'air pestiferé : C'est pourquoy les Espagnols & Afriquains, font nourrir des moutons & cheures domestiques, afin que le mauuais air de leur maisons soit recueilly dans la toison de semblables animaux: Toutes & telles choses diligemment administrees , celuy qui

*L'asieté
du lieu
où l'on
doibt de-
meurer
en temps
de peste.*

pourra choisir sa demeure en vn lieu montueux, exposé par son deuant au Septentrion, & au couuert du Midy, escarté des bois, riuieres, ruisseaux, & marécages, supposé qu'il viue de regime, & qu'il n'engendre point de melancolie, se pourra conseruer de l'air contagieux.

Du boire & manger.

C H A P. II.



D'AVTANT que le corps de l'homme qui est versé en vn perpetuel flux & reflux de chāgemēt, ne pourroit longuement subsister, si par aliments analeptiques, la reparation de ce qui se consō;

me en la fonction du corps, & des ordinaires purgations, n'estoit promptement executée: *Spiritus. inflatus conseruatur ab influenti.* Bon gré, mal gré, il faut attirer l'air, pour reparer la substance habitieuse, qui se dissipe en la respiration: Manger pour remettre ce qui peut se consommer, & dechoir des parties solides: & boire pour entretenir l'humide radical, qui se peut dissiper en veillant, & trauaillant le corps. Si bien que pour l'entretien de nature, en ce qui est du manger & boire, il faut cōsiderer six choses principales: *La Qualité, Quantité, Coustume, L'appetit, l'ordre, & le temps:* Par la *qualité d'un bon aliment, il faut entendre le suc alimentaire de quelque viande euechine que ce soit, qui peut engendrer un bon* *re & manger, il faut cōsiderer six choses. La première.*

sang bien temperé, pourueu de sa couleur rouge ou vermeille, & de sa consistance naturelle:

2. Par la quantité, c'est la proportion du manger & boire, avec quel'estomach, & la chaleur naturelle: Car en vn'estomach robuste & chaud, beaucoup d'aliment offense peu; mais en vn foible & froid, peu d'aliment charge beaucoup: Item au manger & boire, il faut obseruer la coustume, & se tenir aux choses accoustumees; car comme dit

Hippocr. Hippocrate, *Cōsuetas insuetis minus*
2. des *molestare solent*, c'est à dire que les
Aphor. choses ordinaires sont moins fa-
chap. 13. cheuses à supporter, que les ex-
Hippoc. traordinaires. Nous deuons aussi
au 2. des suiure nostre appetit: Car paulò
Aphor. *deterior cibus et potus, qui tamen sit*
chap. 33.

*suavior, melioribus quidem sed minus
suauibus anteferendus.* Si bien que 4.
le bœuf est plustost digeré en l'es-
tomac de celuy qui le prend au-
dement, que la perdrix en l'esto-
mac, de celuy qui la prend telle-
ment quellement. Il faut pareil- 5.
lement obseruer de l'ordre au
manger & boire, faisant prece-
der les viandes liquides aux soli-
des, & les difficiles à digerer aux
faciles. Ainsi le bon cuisinier cou-
che au feu, premierement le bœuf,
puis le mouton, le chapon, & la
perdrix, par vne obseruation de
leur facile ou difficile cuisson. La 6.
sixiesme consideration du man-
ger & boire, c'est de repaistre en
temps & lieu: côme quand l'esto-
mac est vuide & que la digestion
est acheuee, car pour lors, le vêtre

n'a point d'oreilles. Finablement, apres auoir mis en ordre l'estat de boire & máger, l'on doit choisir des alimens qui soient propres pour nourrir & preseruer le corps en temps de peste, comme sont les chappons, pigeons, poulets, le mouton, la poule le cheureau, la perdrix, la tourtre, la caille, & autres semblables, qui chargét peu l'estomach, & nourrissent beaucoup: pour l'aissaisonement des sauces, ie conseille l'vsage de l'huile d'oliue, de beurre, vin-aigre, verius, limõ, & de l'orange, afin de cõsumer le phlegme doux, qui dans le corps se pourrit facilement. Toutes choses aigres en general, sont fort louees en la peste, pour cinq raisons: La premiere c'est, qu'elles sont tou-

tes froides & seiches , qui sont
deux qualitez contraires à la cha-
leur & humidité , causes efficien-
tes de peste: La secõde, c'est qu'el-
les sont astringentes & propres
pour boucher & serrer l'orifice
des veines & arteres , & par con-
sequent les defendre de l'air con-
tagieux , qui ne cesse de tourner
& virer le corps , iusques à ce qu'il
se soit placé, & logé au dedans d'i-
celuy: La troisieme , c'est d'autāt
que telles choses ont la propriété
de refrener l'ardeur de sang , qui
bouillone dās les veines. La qua-
trieme, pour corriger la putrefa-
ctiõ des humeurs: Et la cinquies-
me pour prouoquer l'appetit ; &
irriter l'estomach paresseux. Les
pasticeries, saucisses, ceruelats &
viandes espicees sont extreme-

ment contraires, car en ouurant les parties internes du corps, elles font passage à l'air contagieux. Au reste, s'il est possible, il faut s'abstenir de venaison, poisson, fruitage, laiçtage, fallades, & autres telles choses, qui en chargeât beaucoup l'estomach, nourrissent peu. Le vin ordinaire doit estre celuy qui est le plus affecté à la personne: Le blanc, toutefois & delicat, trempé selon sa force, est à preferer au claret: car pour estre de parties plus subtiles que l'autre, il est incontinent passé par les vaisseaux de l'vrine. Sur toutes choses que l'on viue sobrement: car suiuant Hippocrate, *Sanitatis studium est non satiari cibis, &c.* Philostrate recite que le Philosophe Apollonius Thianus

Hippoc.
au 2. des
Apho.
chap. 13.

neus, homme fort sobre, estant *Philost.*
 tombé malade sans excès de sa *au 4. C.*
 bouche, fist vn pronostique de *8. de la*
 la peste d'Ephèse, disant par vne *vie d'A-*
 consequence tiree de sa sobrie- *pollonius.*
 té, qu'il ne pouuoit estre malade
 si l'air n'estoit corrompu.

Du mouuement & repos.

CHAP. III.

PAR la loy des choses
 qui peuuent aider ou
 nuire, au chap. de l'air,
 on a defendu nō seu-
 lement l'exercice qui pourroit
 excéder les limites de mediocri-
 té, mais aussi celuy qui peut par-
 uenir iusques à la mesme medio-
 crité, l'air estant contagieux. Ce
 n'est pas purement & simplement

pour meſnager l'humide radical qui ſe peut diſſiper, ni pour coſeruer les cordages du corps, qui ſe peuuent affoiblir en l'exercice violent, mais pour preuenir vne conſequēce plus ruineuſe qui pourroit ſuiure la trop grande attraction de l'air corrompu, au preiudice de tout le corps. Il faut doncſe contenter en temps peſtiferé, d'un leger exercice, & le pratiquer auant le repas, tat pour preparer l'eſtomac à la diſteſtion, que pour liquefier & fondre les humeurs viſqueux & groſſiers, qui pourroient par le repos ordinaire, appēſantir le corps, & le combler d'humidité.

Du sommeil & veille.

C H A P. I I I I.



LE sommeil, quin'est au *Gal. 1. de*
tre chose que le repos *Symp.*
des facultez animales, *causis.*
se doibt instituer di-
uerfement selon la diuerfité des
complexions: Au phlegmatique
il faut commander vn sommeil, qui
tiene proportion avec les degrez
de la pituite: Cars'il est tres-hu-
mide, il luy conuient peu de som-
meil & beaucoup d'exercice; &
s'il est humide mediocrement,
sept heures fuffiront pour son
dormir ordinaire. Le colerique,
qui est desseché par l'importuni-
té des veilles, dormira dauantage,
& choisira neuf heures pour son

sommeil ordinaire: Entre ces deux extremitez de sept à neuf, l'homme sanguin, comme le mieux temperé, dormira huit heures: Quant au melancolique, il pourra dormir dix ou douze heures, pour en dormant, perdre l'object de sa melancolie: Telle est la subdivisió du sommeil, qui se doit pratiquer par addition ou diminution de plus ou moins, selon les saisons & la disposition du temps: Seló les saisons, car l'Esté, d'autant qu'il se dissipe beaucoup de nostre substance en veillant, il faut dormir davantage: Et l'Hiver moins: Selon la disposition du temps, car pour vñir nostre chaleur de la circonference au au cétre, & pour la garde du cœur, il conuient dormir plus largemét

en temps pestiferé, que pendant
le terme d'un temps bien disposé.

De l'excretion & retention.

C H A P. V.

PAR l'excretion & retention la cinquième des causes non naturelles, il faut considérer les fonctions de nature, en la vuidange des immondices & superfluité du corps, par les conduits ordinaires destinez à la purgation: Comme des intestins par le fondement, des roignons & de la vescie, par la voye de l'urine, de la matrice, par le flux méstrual, du mesenteré & de la veine, par les hemorroïdes, du poulmon, par le cracher, du cerueau,

par les narines , & generallyment de tout le corps par la sueur. En chacune d'icelles parties, il faut noter quatre qualitez pour le miniftre de leurs fonctions, l'attractrice, retentrice, fecretrice, & l'expultrice ; c'est à dire, celle qui attire l'aliment, celle qui le retiét, celle qui fepare le pur d'avec l'impur, & celle qui chaffel'excremēt. Ainfi confideré que par la reguliere operation de ces parties le corps eft conſervé des choſes contraires, nous pourrons tirer contraire conſequence, & dire que le corps eft offencé par l'interception ou relafche de leurs actions, quand il ſe fait retention d'excremens, & ſuperfluitez. Si bien que pour preuenir l'incommodité qui ſuit vne telle reten-

tiõ, il faudra sur toute chose procurer le benefice du ventre, par remedes solutifs, qui soient de la premiere classe, comme nous tenons estre la rheubarbe, le sené, la pulpe de casse, de tamarinds, de pruneaux, & de passes. Les laxatifs de la troisieme classe, qui ont le diagrede pour postillon de leur operation, sont à craindre en temps pestiferé, car par vne reuolution vniuerselle du corps ils purgent eradicatiuement, en extenuant les forces, & dissipant les esprits qui sont necessaires pour la tuitiõ & deffense de l'economie naturelle. Et c'est par ce moyẽ mesme, que le coyt ou habitation des femmes est extremement dangereux en temps pestiferé.

Des operations de l'esprit.

CHAP. VI.

*Plat. en
son Ti-
mee.*



LE diuin Platon, quand il a voulu admirer l'homme, & assubiectir les actions de l'esprit aux vaisseaux du corps, la raison a esté de dire, que par l'insolence de l'esprit, le corps estoit bien souuent alteré. Pour thesme de son opinion il a pris, le courroux, la crainte, la honte, le dueil, & la ioye, qui sont les rameaux de la sixieme cause Non naturelle, que nous appellons *Animi pathemata*, c'est à dire, les fonctions de l'esprit. Par ces raisons, il a prouué que le courroux n'estoit autre chose que l'ebullition de sang vi-

*Le cour-
roux.*

tal,

tal, qui se loge dans les ventricules du cœur : Ce que veritablement nous cognoissons par la force du pouls qui se redouble, quand la chaleur se retire vers le cœur son principe. En apres parlant de la crainte, il a dit, que c'estoit vne demie suffocation de la chaleur naturelle, qui par l'apprehension, estoit reuoquee du cœur aux extremittez du corps : Ce qui en effect nous est signifié par la debilité du pouls. De la honte il a pris vn autre resolution, estimant que ce fust vn *Medium* des deux extremittez de la colere, & de la crainte; d'autant qu'en ceste passion, la chaleur estoit quelque fois poussee de la circonference au centre, & vn autrefois du centre en la circonference : Action

La crainte.

La honte.

certainement, qui semble tenir quelque lustre de verité, en ceux qui sont honteux, car par vne cōtestatiō des sens & de la chaleur, par fois ils sont fermes, & par fois esbranlez, iusques à perdre la grauité ds leur contenance. En

Le dueil. vn autre endroit, le mesme Philosophet tient, que le dueil est vne crainte prolongee, qui fait à la longue ce que la crainte fait en vn moment, Et finalement ve-

La ioye. nant à parler de la ioye, c'est (dit-il) vn ésuanoüissement de la faculté vitale, & de la force corporelle, qui se lāce & precipite hors du corps, pour aller cherir la chose que l'on aime. Et c'est l'opiniō, que les anciēs & modernes Medecins ont tenu de main en main, non pour flatter l'amitié de Pla-

tō, mais pour acquiescer à la vérité mesme: Si bien que, pour confirmer l'autorité de Platō, à la relatiō de Valere le grād, & des autres historiens qui ont obserué les choses memorables, no⁹ pourrōs dire, que Tremenius mourut de colere, Eriētō de crainte, Homere de hōntē, Aristote de ducil, & Philipide poète comique par vne extremeioye d'auoir emporté le pris de preſeance sur ses cōpagnons es ieus olimpiques. Voila l'explication des incommoditez, qui ſuiuent les perturbations de l'esprit, que nous deuons extremement fuir en quelque temps que ce ſoit, mais principalement en temps de peste; car l'air deſia contagieux, qui nous menace, ſe tient ſur ſes

gardes , qui pour nous offenser ne demande que l'excez de l'vne ou l'autre passion , soit de courroux, de la crainte, de la honte, de ducil, ou de la ioye.

*Pour se preseruer de peste par
medicamens.*

CHAP. VII.

LA putrefactiō de la peste, qui est bien differente de toutes les autres putrefactions, parce qu'elle a vne malignité cachée, de laquelle on ne peut donner raison, non plus que de l'aymāt qui attire le fer, & du Theamedes qui le repousse, ne cedepas volontiers aux remedes qui agissent par la seule propriété de leur temperament, comme font les

drogues aromatiques, que nous
disons contrarier à la peste, par
leur chaleur ou secheresse iointe
à vne legere humidité aëree:
Mais elle veut & requiert des re-
medes qui luy soient contraires,
ou de toute leur substance, ou de
leur qualité occulte: De toute
leur substâce, cōme la theriaque,
le mithridat, le bol Armenien, la
confection d'Alkermes, de iacin-
the, le dictam, l'ágelique & leurs
semblables: De leur qualité oc-
culte, commela pierre Besahar,
la corne de licorne, & la racine
que les Indiens apellent Contra-
yerua, que i'ay nommee pour ses
admirables proprietéz contre la
peste, *Regina radix*, ou Roynera-
cine. Des vns & des autres, sça-
voir est de ceux qui agissent &

par la substance, & par la qualité occulte, l'usage est approuué de tous les bons auteurs, en ce que leur action est generale, tát pour le sexe, que pour l'âge, les regiõs, la saison, & le temperament. Partant ie conseille à vn chacun de s'en seruit, toute fois & quantes qu'il est question de se preseruer de peste. Car en iceux consiste la proprieté des deux intentions, dont la premiere est de purger par les sueurs & insensible perspiratiõ, la matiere qui est la plus encline à corruption: Et la seconde de fortifier les parties nobles, qui sont le fõye, le cœur, & le cerueau. La matiere la plus encline à corruption, ce n'est point le bon sang, qui est le tresor de la vie; ce n'est point aussi l'humeur

colerique qui est chaud & sec: or que ce soit l'humeur melancolique, qui est froit & sec, ie n'y trouue aucune apparence, d'autant que ce sont deux qualitez cōtraires à la putrefaction: Il faut donc supposer, que c'est le phlegme aigeux ou liquide, qui flotte & regorge par toutes les cauitez du corps, & principalement vers le ventricule, qui est la sentine, & le vray gazillan des immondices & superfluitez d'iceluy. Ainsi par la quantité la chaleur naturelle presque comme estainte, ne peut maistriser & digerer la partie du phlegme la plus visqueuse, crasse ou espoisse, qui vient à oppiler en apres les veines du mesentere & du foye, à la ruine totale de la sanguification, & de tout le corps

L'humeur le plus sujet à corruption, c'est le phlegme liquide.

par consequent. Ce phlegme aqueux n'a que deux sorties ordinaires, l'auoir est par la voye de l'urine, & par la sueur. De la purger par la voye de l'urine, il y a du danger, car l'on ne descharge que la premiere region, comme le foye, les veines emulgentes, & les roignons: Et si le benefice du ventre est offensé: Il faut donc pour se preseruer de peste, que la purgation soit vniuerselle, & par la sueur qui est aprouuee de tous les bons auteurs, pour estre vn remede singulier, tant en la preservation de la peste, qu'au traitement de la curation: Le remede des remedes par lequel, en vne extreme peste, i'ay conserué ma vie, & celle de mes amis, est tel,

Conclusion de la voye qu'il faut tenir pour se preseruer de peste.

Prenez

Prenez le pois de quinze ou ou vingt grains de Contrayerua: faite le raper, & le mettés la nuit en infusion dans trois onces de vin blanc; beués au matin, ceste infusion, tenez vous chaudement iusques à suer vne heure ou deux, & changez de linge en apres.

C'est vn remede hidrotique & cardiaque, qui en purgeant le phlegme aigueux, fortifie les parties nobles. Son vsage se doit pratiquer vne fois la sepmaine. Aussi faut-il garder la chambre le iour de la sueur, & prendre apres le repas du dîner & du souper, vne demie cuilleree de la poudre suiuant, qui est singuliere & admirable contre la peste.

*Poudre
excellē-
te con-
tre la
peste.*

Prenez de la racine de Dictam,

tormentille, bol armenien oriental, lauë en eau de scabieuse, de la terre sigillee, de chacun six dracmes, racine de gentiane, angelique, semence de citron, de chacun deux dracmes, du sandal rouge, vne dracme, de l'iuoir rapé, de l'os du cœur de cerf, du corail rouge, de la zedoaire, des margarites preparees, de l'vn & l'autre bén, de chacun deux scrupules, de l'ambre iaune puluerisé, demie dracme, quatre fucilles d'or hachees menu, faites vne pouldre tres-subtile: *JUSTI*

*Peut se
exhiber
se con-
tre la
fièvre*
Ceste poudre confortatiue est ordonnee apres le repas duiour de la sueur, afin que par les vapeurs de l'aliment, sa faculté soit portée d'vne extremité du corps à l'autre, par les conduits qui sont

N

encore tous ouuerts de la sueur precedente. Celuy qui vouldra sur la sepmaine, entre les iours de la sueur, prandre vn double preseruatif, qu'il prenne le suiuant.

Prenez conserue de roses, vne dragme & demie: de bon theriaque, & du diamosci, de chacun vn scrupule, avec vn peu de sucre, faites vn bolus.

Ou bien ainsi,

Prenez de la cōserue des fleurs de Nenufar, deux dracmes, confection d'Alkermes, & bon theriaque, de chacun vn scrupule, avec vn peu de sucre, faites vn bolus.

Autrement,

Prenez de la poudre precedēte contre la peste, deux dracmes, de l'eau de scabieuse, trois onces.

meslez les ensemble.

Sur ces entrefaites, si par les sueurs, le benefice du ventre est interessé par constipation, comme il aduient ordinairement: que l'on se garde de grande purgatió; mais quel'on le mollifie avec vn pilet ou suppositoire, de miel, de sel, & de poudre de Hierre, ou de Benedicte. Pour ce mesme effect, on peut prendre quelques-fois vn bouillon de poulet, avec de la bourroche & buglose, dans lequel vous mettrez vne once de Manne perlee.

I'eusse ordonné volontiers vne multitude de remedes cômuns, comme de la theriaque, du mitridat, de la confection de iacinte, d'Alkermes, des conserues, condits, pouldres, tablettes cor-

diales, des eaux alexitaires, comme de scabieuse, bouroche, buglosse, aceteuse, de ruë, d'agrimoine, de la royne des prez, de char-don benist, & leurs semblables, si ie n'auois experimenté en vne infinité de personnes la haute & sublime propriété du Contrayerua cōtre la peste. Et certes ie puis dire que sa qualité se doibt preferer à la quantité de tous les autres: Si toutefois en cas de nécessité on ne peut la trouuer à point, ie conseille de prendre le sudorifique suivant.

Prenez quatres scrupules de bon theriaque, de l'eau de scabieuse trois onces: de l'eau de vinette, vne once, meslez les ensemble.

Ou bien ainsi,

Prenez du metridat, vne dracme & demie, de l'eau de la Royne des prez, & de l'eau de chardó benist, de chacun deux onces, deux scrupules d'une dent de sanglier rapée : mesles le tout ensemble.

Autrement,

Prenez de bon besahar oriental, quinze ou vingt grains, apres estre bien puluerisé, mettez-le la nuit en infusion, dans deux ou trois onces de vin blanc, prenez-le au matin, & vous faites couvrir iusques à suer deux heures.

Observation notable.

Il faut que le besahar soit puluerisé en vn mortier de pierre, autrement, il fait peu de chose: Ce que iamais ie n'eusse creu, si par

experience *Garcia Sauzedo* Medecin Espagnol, & de singuliere erudition, ne me l'eust appris, pour me gratifier.

Voila l'ordre des Alexitaires hidrotiques & cardiaques. Quât à la purgatiõ, ny à la saignée; pour preseruer la personne de peste, ie ne les puis accorder; si ce n'est en vne extreme necessité, quád vne grande repletion menace la rupture des vaisseaux, ou la suffocation de la chaleur naturelle:

La cause pourquoy l'on doit craindre la purgation, est double: La premiere, c'est pour n'esmouvoir point les humeurs: Et la seconde, c'est que l'on craint la perte des forces & des esprits, qui sont necessaires pour la conseruation du corps. La saignée se de-

fend aussi pour deux raisons. La premiere est, à cause de l'air corrompu, qui se glisse dans les veines *fuga vacui*, que nous appellôs, c'est à dire pour fuir le vuide, & occuper la place du sang tiré; d'ou s'en ensuit la corruption du sang, qui reste dans le corps: Et la seconde, c'est qu'il faut mesnager le sang qui est necessaire pour resister aux attaques de la peste: Car en iceluy sont contenus les esprits, la force, & la chaleur du corps. Pour les remedes internes, voila vne tres-briefue methode, mais extremement profitable, par laquelle vn chacun, soit de sexe, d'âge, ou de temperamēt, peut se preseruer de peste, par l'aide & conduite de Dieu. Reste de coucher par escrit quelques preseruatifs

uatif externes, pour fortifier le cœur & le cerueau, qui se peuuēt composer en forme de pouldres parfums, sachets, & pommes de senteurs.

*Preservatif excellent pour
le cœur.*

Prenez de l'arsenic cristalin vne once & demie: de l'arsenic rouge six dracmes, incorporez les ensemble avec du muscilage de tracagāt, & en faites vn pasteur carré, de l'espoisseur d'vne piece de quarante soulds ou dauantage, enuclopés-le en vn sachet de tafetas incarnat renforcé, & le portez au col sur vne chemise, du costé du cœur.

Sa description est de Gabriel Falope, au liure qu'il a faiēt du Bubō pestilētiel, où il dit qu'il en

a veu des effets admirables. Pour moy ie dis, que c'est vne chose notable en l'arsenic, qu'il soit poison & cõtrepoison tout enséble.

Sachet cordial

Prenez des grains d'escarlata demie once, semence de citron, corail rouge, sandal citrin, de chacun deux dracmes, fleurs de violes & de nenufar de chacun vne dracme & demie, iris de Florence, racine d'ágelique, de chacune vne dracme *diamargaritum frigidum*, 4. scrupules, diamosc. dulc. deux scrupules, musc & ambre gris, de chacú quatre grains, faites vne pouldre que mettrez en vn petit sachet de taffetas incarnat pour porter au col.

Parfum pour fortifier le cerueau.

Prenez semence de Verbene,

coriandre, sandal rouge, & citrin, oliban, mastic, encës, grains d'escarlatta, fleurs de romarin, de stecas, & de roses rouges, de chacun vne dracme ; Concasses le tout ensemble, & en iettez vn peu sur vn rechat, quand vous voudrez vous parfumer soir & matin.

Le moyen de ce bien parfumer, c'est de receuoir par la bouche vn peu de ceste fumee avec vn entonnoir, afin que ceste vapeur confortatiue soit portée dans les cauités du cerueau.

*Pomme odoriferente, ou de senteurs,
pour porter ordinairement.*

*en la main en temps
de peste.*

Prenez du bois de rose, & du sandal citrin, de chacun demie

once; grains d'escarlante, benjoin, styrax, tacamahaca, oliban, de chacun deux dracmes; de bon ladanum, vne once; du fouchet, de l'Iris de Floréce; du calamus aromaticus, de chacun trois dracmes; semence de *trifolium odoratum*, demie once, canelle & girofle, de chacun demye dracme, faites vne poudre subtile, que vous reduirez en pasté, avec du muscilage de tracagant faite en eau de fleurs d'orange, & y adioutez de ciuette vn scrupule, de musc & ambre gris, de chacun six grains.



PARTIE III. EN LA
 quelle est contenuë la methode
 curatiue des pestiferez.

Et premierement du Regime.

CHAP. I.

LA peste, qui est autāt
 incertaine & varia-
 ble que la maladie se
 montre en mille &
 mille diuerses occasions dissem-
 blable & differente requiert à la
 verité l'œil du Medecin, pour iu-
 ger fidelemēt de sa forme, de ses
 symptomes, des accidens com-
 pliqués, & du naturel du patient,
 afin que par les indications, qui
 doiuent seruir de truchement au
 Medecin, la methode curatiue

soit bien dispensée & diuersifiée, selon la diuersité des occurrences: Autrement ce qui aura esté bon à Iean sera contraire à Pierre, & ce qui aura sauué l'un fera mourir l'autre. C'est pourquoy le sage Galien recuse la secte sextimestre de Thessalus au 4. de la methode, parlant ainsi: *Neque, inquit, Thessalos asinos, qui potius de nominibus quàm de re contendunt, edocere intelligo: Sed eos qui bono genio nati præcepta nostra discere volunt*: Car, dit-il, de traicter diuers malades par la pratique d'un seul remède, c'est imiter le Cordonnier chapestre, qui chauffe diuerses personnes sur vne mesme forme. Or d'autant que chacun possède vne certaine philautie,

Gal. au
4. de la
methode
chap. 4.

qui est vn amour de soy-mesme
ordinairement les Medecins
pour esquiuer le danger du poi-
son pestilentiel, se veulent excu-
ser du traitemēt de la peste, pour
autant, disent-ils, qu'ils sont ab-
horrez des sains, & mal reco-
gneus des malades : où toutes-
fois leur charge les appelle, ils
sont obligez de faire leur de-
voir par exhortation & con-
seil de ce qu'ils auront pratiqué
par le passé, afin que leur esprit
soit present où le corps ne peut
assister sans preiudice de la per-
sonne. Et lors le Medecin bien
experimenté doit instituer le
traitemēt du pestiferé, qui ne
consiste pas seulement en la pra-
tique des remedes cathartiques,
ou purgatifs, qui peuuent expel-

ler & chasser la matiere morbifique, en mondifiant le corps de ses immondices & superfluitez: mais aussi en l'usage des alimens qui peuuent, en nourrissant, corriger la cachochymie du corps & conforter le cœur, qui est le premier opposé aux iniures de la peste, afin que, suiuant Hipocrat.

medicina sit in cibo, & cibus in medicina. Ce sont dis-je, les alimens medicamenteux, que le prudent Medecin doit exhiber premierement à ses malades, pour en cela imiter la commune escolle, qui commande que l'on essaye tousiours le regime au commencement, en apres le medicament, puis le fer, finalement le feu, qui ne doit se pratiquer, sinon à l'endroit de ceux

qui

En 2.
des Aph.
chap. 7.

qui sont deplorablez: Ce regime se doit promptement dispenser afin de s'opposer à la promptitude du *virus* pestiferé qui va infectant l'une & l'autre partie du corps, & en mesme instant vaquer aux medicamens tant purgatifs que sudorifiques. Car si l'on nourrist vn corps corrompu sans le purger, c'est le combler de corruption: *Corpora enim impura, (inquit Hipocrates,) quanto magis nutries eo magis lades*: En quoy nous sommes aduertis, de hastier le secours tant de l'alimēt que du medicament, attendu la maladie qui est extremement aiguë: & que *in morbis acutis, & in principio, si quid mouendum videtur, moue, tardare etenim periculosum*, dict Hippocrate. Ce

n'est pas comme aux autres maladies, où il faut attendre la concoction, atténuer & inciser l'humour visqueux, incrasser ou espoussir le subtil, préparer les conduits, & rendre les corps fluides, pour faciliter l'action du médicament. Or quelle est la methode de nourrir les pestiferez par aliments medicamenteux, nous le pouvons coniecturer par la consideration des causes efficientes de peste, à sçauoir, de la chaleur, & de l'humidité, qui requierent pour qualitez cōtraires, le froit & le sec, afin que, *Contraria contrariorum sint remedia.*

Obiectiō Vous me pourrez repliquer, que bien peu d'aliments sont de froide & seche temperature, & que l'on doit tousiours sup-

poser en la chose qui nourrit
vne douce humidité, ou vn cer-
tain baume, qui par sympathie de
son temperament, foment &
conserue l'humide radical & la
chaleur naturelle de nos corps;

Ce que j'accorde volótiérs: Mais *Respōse.*
quand ie dis des aliments qui
soient d'une qualité froide & sei-
che; c'est à dire, qui tendent à se-
cheresse, ou naturellement, ou
accidentalement, par le mēlan-
ge des sauces aigres, qui sont de
cette qualité là:

Voila le temperament des ali-
mēts que nous demandons pour
les pestiferez; reste maintenant
à specifier ce qu'il conuient ob-
seruer en leur traitement. Quel-
ques vns veulent nourrir beau-
coup, pour donner carrière à la

*Contre-
uerse.*

chaleur naturelle, qui est conuertie en vne chaleur presque elementaire ou ignee : Les autres veulent nourrir peu, pour ne trauerfer point la chaleur, qui doit aider aux crises, & à la descharge du *Virus* pestiferé : Quand à ce qui concerne mon aduis en l'exhibition du boire & manger, côme vn arbitre de leurs differentes opinions, ie diray volontiers que du trop des vns, & du peu des autres, l'on doit faire vn *medium*, qui doit seruir de trebuchet pour balancer les aliments des pestiferez. Car si le malade peut estre interessé d'une trop grande quantité d'aliments, il peut aussi estre offensé de l'abstinence : l'un est contraire pour attirer la chaleur de la circonference au cen-

Resolu-
tion.

tre, en la digestion de l'alimēt: Et l'autre pour irriter la chaleur, & la rendre plus acre quand elle est priuée du rencontre de l'aliment, qui est le subiet de son action: Il y a vne autre consideration, qui doibt conseiller le Medecin, de nourrir plus largement les pestiferés que les autres malades: C'est pour autant qu'il se dissipe grand' quantité d'esprits & de force, par l'ebulition du sang, qui pour resister au *Virus* pestiferé, bouillonne par toutes les veines & arteres du corps. Car c'est vne chose à ob-

obser-
uation
notable.

timide lieure, mais contre l'animal seulement qui luy tient contre-carre au mutiné cōbat: La raison qui peut prouuer l'atipathie de l'air contagieux avec le sang, se peut facilement coniecturer & cognoistre par l'erupcion ou sortie des charbōs, pustules, exanthesmes & lenrilles de sang, qui suiuent ordinairement l'impres-sion de la peste; & qui pour affoiblir extremement le corps, peuuent tesmoigner que le plus noble des humeurs du corps a esté vaincu, qui est le sang. Il faut donc pour reparer la subite exolutiō, ou perte, de la force & des esprits, nourrir assez largement les pestiferez, & avec des aliments euchimes & analeptiques, c'est à dire, qui sōt propres

pour nourrir & fortifier promptement le corps. Tels aliments *Notez.* se doiuent donner les trois premiers iours aux malades, ou en forme de coulis, ou en forme de gelee: car quelque chair que ce soit, en substance, se pourrit facilement dans vn corps pestiferé. Voicy le moyen pour faire vne gelee fort excellente.

Prenez vn bon chapon, duquel ostés la gresse, quatre bons *Aliments pour nourrir les pestiferés.* pieds de veau, & en pareille quantité de bon vin blanc & d'eau, faites cuire le tout dans vn pot de terre bien couuert, iusques à ce que la chair se puisse separer des os, d'elle mesme, puis vous coulerez par vn tamis bien delié le bouillon, que laisserez refroidir en ostant la gresse, qui nagera

en la superficie: Le bouillō estant refroidy, faitesle encore cuire de rechef, enuiron d'vne heure, & mettez sur la fin de la derniere cuissō, en trois liures du cōsomé, 10. onces de sucre, & vne once de canelle, pl⁹ ou moins selō la quantité du coulis : Ainsi apres auoir adiousté le sucre & la canelle, il faut le repasser en vn tamis net, & le garder pour la nourriture du patient: C'est le vray alimēt d'vn pestiferé; qui se peut prendre à toutes heures, soit de iour ou de nuict, car il charge peu, & nourrit beaucoup: On pourra y adiouster en le prenant, vn peu de suc de limon ou d'orange:

Si le patient requiert quelque fruitage, pour le contenter, on luy pourra donner sans crainte
d'incon-

d'inconuenient, vne bonne poire cuite, ou vne pomme, ou des pruneaux cuits, aillaisonnez avec vn peu de sucre. Vers le trois ou quatriesme iour, il sera permis pour reparer promptement les forces, de se mettre en appetit, avec les aillurons d'vn poulet, ou d'vn chaponneau avec le verius, le limon, ou la vinette: pareillemēt de humer quelque ius de mouton, ou quelque bouillon cordial, avec del'orāge: Et vers le sept ou huiētiesme iour, quād nature aura commencé de se descharger par quelque crise que ce soit, le malade pourra se remettre à l'usage de la chair, & choisir celle qui est de facile digestion, comme la perdrix, la caille, la teurtre, l'alouette, & le poulet tēdre: Pour

ce qui concerne le boire , nous defendõs le vin, car il est fumeux & corrosif, si bien que le cerueau & les parties internes en sont offensees. Il vaut donc mieux se seruir de la ptisane suiuant, qui est extremement bonne en temps de peste.

Ptisane. Prenez de l'orge deux poignées, des passes deux onces, de la canelle 2. dracmes: faites bouillir le tout en quatre ou cinq pintes d'eau, iusques à ce que l'orge rougisse: pour lors il faut l'oster de dessus le feu, & y mettre deux onces de suc de limons.

Vous pourrez aussi faire boire ordinairement à vostre malade, de l'hydromel aromatisé de canelle, avec vne once de suc de limons, ou de ius de grenades, ai-

gres sur chaque liure d'hydromel.

Voila tout ce que l'on peut briefuement & succinctement exposer sur le regime alimentaire des pauvres pestiferez.

Si le malade ne se peut accommoder à la gelee, faites le restaurant qui s'ensuit.

Prenez vne bonne rouelle de veau, lardee, ou pour mieux dire, brochee de canelle, vne bonne perdrix, & vn bon chapon vieil, fucille d'ozeille, pimpenelle, de chacun vne poignee, fucilles de fleurs de boroche hachees ensemble, de chacune demie poignee, vn bon citron taillé en menues pieces, du saffran, le pois de dix ou douze grains, eau rose & vin blanc, demie chopine seulement pour humecter, le tout en-

*Restaur-
ant.*

semble: Puis mettez le tout en vn vaisseau d'estain bien net, & luté par le dessus, & tenez ledit vaisseau par cinq ou six heures, dans vn grand chauderon d'eau tousiours bouillante, & apres tirés vos ingrediens du vaisseau, & les exprimez entre des presses: Ainsi, vous ferez vn excellent restaurét qui sera nutritif & cordial.

Et en cas que aux iours defendus le patient ne voudroit mager de la chair, il faudra luy donner des œufs pochés en l'eau, avec du ius de limon ou de vinette. Pareillement des orges mondés, dans lesquels on doit mettre tousiours ou du ius de limon ou du ius de grenades aigres: Car, comme il a esté desia dit plusieurs fois, toutes les choses aigres en general sör

louables en la peste, pour les cinq raisons desia deduites en la methode preseruatiue.

De la saignee des pestiferez,

C H A P. II.

BIEN, que suiuant Hipocrate, en la cinquiesme section de ses Aphorismes, l'on doie en la pluspart des maladies, venir aux medicamens, premier que d'aprocher du fer. Si est-ce neátmoins, que par la coniecture des experiences, esquelles il a preferé la saignee aux medicamens purgatifs, quand il a esté question de traiter des grandes fiebures, douleurs, ou phlegmós, nous deuons en la peste, ou l'un de ces trois, & les deux, & quelquefois le tout se

récontre, pratiquer la saignée des
les premières attaques du mal,
si tant est que par vne artificielle
côiecture nous puissiôs recognoi
stre les forces capables de la sup
porter. La principale indicatiô, q
doit cōuier le Medecin à saigner
hardimēt en la peste, c'est la sâgui
ne repletion, qui par sa quantité,
menasse le patient de trois acci
dés. Le premier est, de la fracture
des vaisseaux tendus & roidis, tât
par la repletion, que par l'ebulli
tion du sang: Le second, c'est de
la putrefaction des humeurs, qui
suiu les grandes repletions, quand
l'air ne peut se glisser dans les ca
uitez des veines pour les rafrai
chir: Et le tiers c'est la suffocation
de la chaleur naturelle: No⁹ pou
uons supposer vn quatriesme ac
cident, & dire que l'air veneneux

assiege plustost vn corps sanguin que celuy qui est colerique ou melancolique, comme il a esté declaré par cy deuât, & que pour le priuer de ce qu'il aime le mieux, necessairement il faut saigner incontinent apres que nous aurons recogneu les signes pathognomoniques ou accidens inseparables de la peste. L'vtilité qui peut resulter du sang tiré. C'est premierement le refroidissement de tout le corps, qui est embrasé en la chaleur febrile, par l'alteration de la chaleur naturelle, changée en vne chaleur ignee, ou presque elementaire. Secondement, c'est par vne certaine qualité anodine ou sedatiue de douleurs que la saignée apporte. Et finalement par l'antispasme, ou reuulsion, des flu-

Gal. lib. de cu. se. ad Glac Et lib. de sanguini missione aduersus Erasistrates.

xions, qui suiuent les grandes & fortes inflammations. Nous voila d'accord, qu'il faut saigner en la peste: reste, pour conclusion, de specifier quelles veines il faut choisir, & en quelles parties. Quelques vns qui ont la defence du cœur pour recommandee en quelque peste que ce soit, ont opiné qu'il falloit promptement ouurir la mediane du bras gauche, pour descharger incontinent le cœur, *et per παρὰ τον κόπον*, c'est à dire, par deriuation. Certains autres ont estimé le cōtraire, en ce qu'ils ont voulu, que promptement l'on eut à ouurir la mediane dextre; à fin de diuertir & destourner la defluxion qui tombe sur le cœur *et per ἀντιπαραπλάσιον*, c'est à dire par reuulsion. Le tiers party d'une au-

tre

tre secte tient pour asseuré, qu'il faut tousiours observer la rectitude, *et* $\chi\alpha\tau' \epsilon\zeta\iota\nu$, c'est à dire, en saignant du costé mesme, où est la peste. A ceste derniere opinion ie m'accorde volontiers, comme à celle qui est la plus forte, pour en auoir esprouué l'vtilité en diuers pestiferez; mais il faut que ce soit à condition de considerer les parties affectees: Car si le charbon pestiferé s'est logé sur la teste, ou aux environs, nous deuons ouurir la cephalique du mesme costé; S'il s'est campé fous l'aisselle, nous choisirons la basilique: Et si au dessous de la ceinture les parties sont affectees, nous aurons nostre recours à la veine poplitique, ou à celle du maleole, observant

toufiours le droit fil de rectitude; non en Mathematicien, mais en Medecin: Car les Mathemati-
ciens appellent auffi bien recti-
tude la ligne oblique, ou trans-
uerfale, de gauche à droit, côme
celle que nous entendons, par
la rectitude du meſme coſté.
Voila comment il faudra pra-
tiquier la phlebotomie en vn
corps peſtiferé, par vne me-
thodique obſeruation de ce qui
doit ſe conſiderer en icelle, ſça-
uoir eſt la grâdeur du mal, l'eſtat
des forces, & l'âge du patient.

*Methodepour purger & fortifier les
corps deſpeſtifieriez, par medicamēs.*

32 3757 CHAP. III.

Hipocra.
en la 2.
ſect. des
Aphor.
chap. 8.



VoY que la loy ſoit re-
guliere és autres mala-
dies, de préparer les

corps par clysteres, syrops, iuleps ou bouillons laxatifs, auant que de venir à la purgation, si est-ce toutefois que le prudent Medecin doit incontinent apres auoir pourueu au regime, & à la saignée, purger le malade pestiferé par vn medicament qui soit de mediocre operation: si tant est, que par l'vne ou l'autre indicatiō la necessité le permette. Autrement il y auroit danger, que sur l'instâce de la preparation, le *Virus* pestiferé, qui est extrêmement actif, ne fist trebucher le patient, par la prostitution des forces, deperdition des esprits, alteration de la chaleur naturelle, consumption de l'humide radical, corruption des humeurs, & suffocation de la qualité vitale:

C arcefont lespropres effects de son operation, & les fideles executeurs de sa maligne corruptiō, en cauterisant & bruslant le baulme de nostre nature, qui est le vray Elixir de nostte vie: Infectāt premierement les esprits, secon- dement les humeurs, & tierce- ment les parties solides du corps, à la ruine & confusion de toute l'œconomiē naturelle. Il est dōc necessaire de s'opposer aux prin- cipes, & de trauerfer sa malignité, par vn medicament qui soit me- diocre en son actiō: Car s'il estoit trop fort, il feroit attractiō du de- hors au dedans, & lors la matiere morbifique pourroit se ietter sur quelque partie noble, au grand preiudice du patient: *Quia, inquit Hipocrates, metastasis quæ fit ab*

*Par le
baume
de nostre
nature, il
fait en-
tendre
la cha-
leur na-
turelle
& l'hu-
midité ra-
dical.*

*5. A-
phor.
chap. 13.*

ignobili parte ad nobiliore periculosa:

Si à l'opposite ; le médicament estoit debile, il pourroit esmouvoir la matiere estrangere, sans la purger & chasser ; d'où il viendroit à succeder vne velication & morsure en l'orifice de l'estomach, vne syncope ou defaillance de cœur, vne pesanteur de tout le corps, & vne forte exestuation ou inflammation de la premiere region, qui comprend toutes les parties de la premiere & seconde digestion. Il faut donc que la purgation soit mediocre, & en ceste forme, car elle pourra seruir à quelque pestiferé que ce soit indifferemment: *hoc quicquid*

Prenez de la racine d'Iris vulgaire, de la racine d'eaulne, & de la racine de gentiane demie once

de chacune, de bon polypode de
chêne, deux onces; fueilles de
boroche, buglose, pimpenelle, &
bethoine, de chacune vne poi-
gnée; des passes emundées, demie
once: semences de melons & de
vinette, de chacun trois drac-
mes; des fleurs de violes, & de
bourcohe, de chacune vne petite
poignée: faites bouillir le tout en-
semble suivant la methode. Puis
prenez quatre onces de ceste de-
coction, & y dissoudés deux drac-
mes de diaphenic, deux de catho-
lic, deux scrupules de rheubarbe
en poudre, vne once de syrop ro-
satif, melés le tout ensem-
ble, pour purger le patient.

Et si tant est, que le malade ne
vueille s'accommoder aux medi-
camens liquides, il faudra luy bail-

ler trois dracmes, ou demie once de quelque electuaire solide, qui conuiendra à la nature, & à la maladie. S'il veut vn bolus, baillez luy le suiuant.

Prenez de la casse recente demie once, du diaprunis solutif, & du diaphenic, de chacú vne dracme, de la rheubarbe en poudre, demie dracme; faites vn bolus couuert de sucre.

Auerroes en la curation du charbon pestiferé, recommande singulierement l'vsage des pilules cochees; ce qui a quelque apparence de raison, car elles reçoient la poudre de hierre simple, le turbit, le stecas, la coloquinte, la scamonee, & le sirop de stecas, pour leur forme: Si bien que leur vertu est colaguogue par la scamonee

*Au 7.
de ses
collect.
chap. 3.*

phlegmagogue par la coloquin-
te, & turbit, & si la celerité de
leur operation, est retardee par la
poudre de hierc qui est leur base;
Le syrop de stecas & sa fleur y
sont mis pour inciser, attenuer,
& deterger le phlegme, mesme-
ment pour desopiler, donner
corps à la masse, & fortifier tant
le cerueau que les autres viscères,
contre la nuisance du turbit, co-
loquinte, & diagrede.

C'est pourquoy l'vsage n'en est
point reprouué, car elles purgent
les deux humeurs, efficiés de cor-
ruption, & si fortifient toutes les
parties du corps. Toutefois pour
autant que les vaisseaux de la re-
spiration sont principalement
offensez en la peste, ie voudrois
y adiouster vn peu d'agaric tro-
chisqué

chifqué, & vn peu de mirrhe cõ-
me s'ensuit:

Prenez de la masse interieure
des pilules cochees, & de l'agarie
trochifqué, de chacú demie drac-
me, de bonne myrrhe vn scrupu-
le, trochisques d'alhandal, deux
grains, & formés cinq pilules,
avec de l'oximel simple.

Voila les formes des purgatifs,
qui conuiennent aux pestiferez:
Mais il faut tousiours se souue-
nir, que: *Medicina nihil aliud est
quam adiectio & subtractio*. C'est
à dire, que la medecine se doit
alonger & racourcir, pour la cõ-
modité des personnes. Et par ain-
sil'on pourra adiouter ou dimi-
nuer au medicament, selon la for-
ce du patient, la grandeur du mal,
l'age, le sexe, l'habitude, la coustu-

me, la regiõ, & le tẽperament. Or apres auoir ainsi purgẽ le corps, s'il est assez robuste, il faudra venir prõptemẽt à l'vsage de nostre fameux & admirable Contrayerua, qui se doit preparer ainsi.

Prenez vn scrupule de Cõtrayerua, ou Roine racine, & apres l'auoir rapẽ (car il ne peut se mettre en poudre, s'il n'est cariẽ ou pourry) mettez le en infusion, dans trois onces de vin blanc, & le laissez ainsi toute la nuit: le matin venu, prenez l'expressiõ & faites bien couurir le patient, iusques à fuer deux heures: Mais sur toute chose que l'on empesche le malade de dormir en suant, parce que, en dormant, nostre chaleur naturelle & nos esprits se retirent de la circonference au centre, qui est

Conseil.

vne action contraire à nostre intention: car nous voulons chasser l'excrement du centre, en la circonference, tant par l'aide du medicament hydrotique, que de la chaleur: Ioint que par le dormir, le venin est porté au cœur, & au foye, à la ruine totale du patient. Le iour de la sueur il faudra prendre apres les repas, vne demië cuilleree, de la poudre pestilentielle precedëte, afin de fortifier en purgeant.

Or si tant est que l'on ne puisse recourir tousiours le Contrayerua, nous aurons recours aux sudorifiques suiuaus.

Prenez de bonne theriaque, vne dracme & demië, de l'eau de vinette, & de la roine des prez, de chacü deux onces: mellés le tout

142 *Traicté de*
ensemble: ou bien ainsi.

Prenez de bon mitridat quatre scrupules, de l'eau de chardon benist quatre onces, meslez le tout ensemble. Vn sudorifique admirable, & de facile preparation, se doit composer ainsi.

Prenez des cinq, herbes pestilentiellees, à sçauoir de la ruë, quinte-fueille, chardon-benit, roine des prés, & de scabieuse, de chacune deux poignées, pilés les vn peu ensemble, & les faites tremper la nuict, dans trois liures de bon vin blac, puis faites distiller le tout, à petit feu. La dose se doit mesurer de trois a quatre ou cinq onces.

La proprieté du suiuant est esprouuée pour estre tres-singuliere.

Prenez des cinq racines pestilentiellees, c'est à sçauoir, de diadéa d'angelique, de gentiane, bistorte, & tormentille, de chacune vne once & demie: il faudra les cōquasser, & mette en infusion par six heures, dans vne liure de vin blanc, & autant d'eau de buglose: puis distiller le tout: La dose est de trois onces.

Le iour de la sueur apres le repas il faudra vser de la pouldre pestilentielle que i'ay ordonnée; Car ce faisant nous accomplirōs l'ordonnance de Galien, qui veut que pendant la peste non seulement aux medicamēs, mais aussi aux alimens, l'on mesle du sel theriacal, des saulces & des aromates qui puissent defendre le corps de la putrefaction future, & corriger la corruption presente: Et

quant à moy ie diray volontiers, que ce sont les deux articles, esquels consiste toute la methode curatiue, que l'expurgatiō du poison pestiferé, & la corroboratiō des parties principales du corps. Pour l'accomplissemēt de telles intentions, il faut considerer le mouuement de nature, & luy ayder en son defaut; procurant le vomissement à ceux qui aurōt desia vomý ou enuie de vomir, la purgation à l'un, & la sueur à l'autre, à fin d'executer le commandemēt d'Hipocrate, qui dit en ses Aphorismes, *Quò natura vergit per loca conferentia eò ducere: Medicus etenim minister naturæ appellatur: Quod ministret quæ naturæ conueniunt.* Semblablement si la matiere morbifique

Au 2.
des A-
ph. ch.
22.

est poussee du centre en la cir-
conference, c'est à dire du de-
dans au dehors, ce que nous co-
gnoistrôs par l'eminence de quel-
que charbon, pourpre, ou pustu-
le, nous aurons recours aux dia-
phoretiques attractifs & matura-
tifs: Et sur ces entrefaites, l'on
pourra se servir d'une heure à
l'autre, pour ne perdre point tēps,
des sirops qui peuvent temperer
la chaleur æstuan̄te, conforter le
cœur, & corriger la putrefaction,
comme sont ceux icy de *acetosi-*
tate citri, de *limonibus*, de *granatis*,
de *boragine*, de *agresta*, de *succo*
acetosa, de *endivia* le iulep Alexā-
drin, & autres semblables.

Pareillement, d'eaux alambi-
quées, cōme de chardon Benist

& de la roine des prés, de rifort, de
ruë, de lierre terrestre, bouroche,
scabieuse, pimpenelle, oseille, a-
grimoine, chicoree, pourpier, de
roses & de fleurs d'orange. On se
pourra aider aussi des poudres
cordiales, comme de *letitia Gale-
ni*, *diamargaritū frigidum*, *diamosci
dulcis*, *diaambra*, *triasandalum
aromaticum rosatum*, *rosata nouvel-
la*, des marguerites préparées, du
saphir, de la iacinthe, & l'esmerau-
de, des trochisques, de *carabe*,
de la semence de citron, terre si-
gillée, bol d'Armenie, l'un & l'au-
tre corail, la corne de cerf, los du
cœur de cerf, la corne de licorne,
pierre de besahar, dictā zedoaire,
tormentille, gentiane, bistorte,
angelique, & autres innumera-
bles, que les anciēs & modernes
Medecins

Medecins, ont recogneu pour remedes souuerains contre la peste.

Item des conserues de roses, de fleurs d'orange, de violes, de nenuphar, de fleurs de chicoree, de fleurs de bouroche, de buglose, de racine d'caulne, des cōfectiōs de iacinthes, d'alkermes, la theriaque, le mitridat, mais sur tout de l'essence de saffran, qui en ce cas est fort excellente.

Voila les remedes alexitaires, qui de leurs vertus & propriētés peuuent aider & secourir les pauvres pestiferez en temps & lieu.

De la curation des bubons, charbons,
& inflammations, qui apparois-
sent en la peste.

C H A P. II II I.

TOus les accidens ex-
térieurs, qui apparois-
sent en la peste, d'au-
tant qu'ils sont diffé-
rens en cause, espèce, & matiere,
comme aussi des parties qu'ils oc-
cupent, & du temps de la mala-
die, se doiuent reduire en trois
principales différences, sous les-
quelles toutes les autres seront
expliquées & comprises: C'est à
sçauoir, en bubons, charbons, &
inflammations. Les charbons
viennent ordinairement aux e-
monctoires, ou aupres, & sont de

matiere plus gtoſſiere, viſqueuſe & indigeſte, ſans grande douleur ny inflammation, deſquels la douleur eſt profonde & interieure, cōmuniquee quelquefois iuſques au cœur, avec ſyncope ou aſſoibliffement d'iceluy: Quāt au charbon, il vient à toutes les parties du corps, & ſe fait d'un ſang ardent, qui en fin ſe torrefie & brule, produiſant bien ſouuēt des puſtules rouges, jaunes, & noiraſtres, brulant en façon de cauthere, avec eſcarre & douleur es parties circonuoifines. Les inflammations ſont tumeurs variables, ſelō la diuerſité des humeurs qui concurrēt en leur conformation, avec rougeur, douleur, tenſion & dureté, occupant preſque tout le membre de leur ſituatiō,

côme le bras, la cuisse, ou la iambe, sans aucune forme ou apparence d'apostume. Toutes ces tumeurs, quoy que différentes, ont toutefois en commun vne malignité, & qualité virulente par dessus toute corruption d'humeurs, à raison des esprits vénéneux, & du renuoy de la matiere que nature pousse par vn mouvement critique, sur les parties adeneuses du corps, qui neantmoins pour s'aglutiner & coller ensemble, ne peuvent que difficilement paruenir à vne bonne & valable suppuration. Ils ont aussi vn symbole de concordance, en ce que tous veulent estre euoqués & attirés au dehors, sans requérir l'usage des repercussifs, ou adstringens. Il est toutefois qu'à

raison de leurs diuersitez, causes, nature, & condition, en toutes autres choses ils requierēt diuers medicamens: Car le bubon demande la concoction & suppuration par remedes qui temperés en chaleur & humidité, puissent relascher la tension, & ouurir la constipation du cuir, afin que le *virus* fuligineux sorte, & que le terrestre qui reste, soit changé en apostume. De ceste qualité là sōt les remedes suiuaus, preparés en diuerses formes: & premieremēt.

*Curatio
du bu-
bon pe-
silentiel*

Prenez de la racine de guimauue, & de la racine de lis, de chacune trois onces, des fueilles de scabieuse, de mauue, parietaire, de violes, de chacun vne poignée, des figues, vne douzaine: des fleurs de camomille & melilot

*Fomen-
tation.*

de chacun vne once, faites bouillir le tout ensemble quelque trois quarts d'heure, puis de ceste decoction chaude, fomentez la partie avec vne esponge trois fois de iour, appliquât en apres sur le lieu affecté, le suiuant cataplasme.

Cataplasme. Prenez la residence de la precedente fomentation, que vous pilerez en vn mortier, & passerez par le tamis, adioustât trois onces de farine d'orge: du beurre frais, & de l'huile de camomille, de chacun deux onces. Il faudra le rafraichir trois fois le iour, pour esventer la partie, & faire place à l'expiration du *virus* pestiferé. Et quand la partie sera vn peu enflée, & qu'elle aura changé de couleur, pour paruenir à suppuration, il conuiendra vn medica-

Gal. 14.
meth.

ment plus fort pour aider à son action.

Prenez de l'emplastre diachylon composé, trois onces, du galbanum, six dracmes. incorporez le tout ensemble avec de l'huile d'iris, & l'appliquez sur la partie.

Qui voudra vn suppuratif de facile preparation & bié esprouué, il peut prendre celuy cy.

Prenez vn gros oignon rouge, creusés le, & mettez dedás deux dracmes ou de theriaque, ou de mitridat, & avec vn peu de sel, faites le cuire sous les cendres, pilés le, & en faites vn cataplasme.

L'on pourra aussi pour aider à nature, appliquer sur le bubon vne grosse ventouse auct scarification, & mesme des vesicatoires, qui seront composez de can-

tharides, leuain & vin-aigre: Et au cas que la matiere ne seroit cuite, & fluxile, pour fortir par absces ou apostume, nul ne pourra appliquer cauterer quelcō que, soit actuel ou potetiel, ny venir à l'ouverture par incision: car telle maniere de proceder, tant s'en faut qu'elle puisse soulager la personne, ains par la douleur elle abbat les forces, & si empesche quelque bonne operation interieure, endurecissant la matiere crüe, en la rendant rebelle à l'expurgation. Où toutefois par l'ebullition du sang, & des humeurs qui font le bubon, la presente suppuration voudra requerir le fer, alors proprement il faudra inciser la partie, la descharger, purger, incarner & consolider, suiuant la methode

rhode ordinaire. Et voila le moyé
de guerir le bubon pestilentié.

Quant à la cure du charbon, il
nous y faudra proceder par vne
voye plus courte, puisqueson a-
ction est plus prompte, & la ma-
niere plus acree & mordicante, or-
donnant premierement des re-
medes escharotiques, qui puis-
sent, en attirant du centre en la
circonference, faire vne prom-
pte transubstantiation de la ma-
tiere morbifique en apostume.
Ce que nous pourrós faire ainsi.

*Curatio
du char-
bon pe-
stilentié.*

Prenez vn pigeon au vif, fen-
dez-le par la moitié, & frottez
tout le dedans de bon basilicum,
puis appliqués le tout chaud sur
le charbon, & le renouvelés d'un
autre, iusques à trois fois, de qua-
tre heures en quatre heures.

Les douze heures passees, apres auoir appliqué vos trois pigeons, venez hardiment à l'emplastre du galbanum, ou bien au cataplasme suiuant.

Prenez semence de moutarde, vne once; sauon noir, vne dracme; du sel & du safran, de chacun demie dracme, deux ou trois oignons de lis cuits sous la cendre, du leuain de froment, cinq ou six onces, incorporez le tout ensemble, avec de l'huile de lis, & faites vn cataplasme, auquel adiousterez vne dracme de theriaque, ou de mitridat. Car suiuant

*Gal. au
liure de
la the-
riaque
à Pison.
chap. 27.*

la doctrine de Galien, il est necessaire d'en ordonner à tous les topiques de la peste, pour autant (dit-il) qu'ils ont vne vertu attractive & contraire au venin, tant

par leur chaleur que de toute leur substance.

Ainsi apres auoir dressé vos cataplasmes, quand vous cognoistres l'eruptiō de l'apostume estre proche, aidés à nature par vne legere incision que vous ferez avec le fer. Pareillemēt, si les douleurs sont insupportables, & que le patient soit trauersé d'inquietude, vous aurez recours à toutes sortes d'anodins, que vous appliquerez pour les apaiser, au circuit de la partie affectée, en forme de fomentations, onguents, cataplasmes & huiles, comme s'ensuit.

Prenez des lentilles, & du fenugrec, deux onces de chacun, feuilles de plantain, deux poignées, fleurs de violes, & camomille, de chacun vne once, faites

bouillir le tout ensemble en eau
& vin-aigre.

Ou bien,

*Cata-
plasmé.*

Prenez du bol armenien, six
onces, du suc de Plantain, & de
ionbarbe, de chacun trois onces,
mestez le tout ensemble, & avec
deux onces d'huile, de lis faites
vn cataplasme.

Ou bien,

Liniment.

Prenez de l'onguent rosat, trois
onces, de l'huile de camomille,
vne once, & en oignez la partie.
L'ouverture du charbon estat
faite, il faudra procurer la cheute
de l'escarre, avec du basilicum, du
beurre, ou des iaunes d'œufs
mestez en huile de mille-pertuis;
& l'escarre tombée, il conuien-
dra mondifier la playe, avec l'vn-
guent des apostres, & l'egiptyac,

l'incarner avec l'aureum, & le cicatriser en dessecchant, avec le pomphiligos, ou l'onguent rouge, dessecatif. Mais sur ces entrefaites, il faut toujours auoir la defense du cœur en recommandation dès le commencement iusques à la fin, car c'est le principal d'assiéger la peste par dedans & par dehors, que nous appellons *per assumpta & admota*. Voicy la forme des epithemes que nous deions preparer pour fortifier le cœur.

Prenez de l'eau de fleur d'orange, & de scabieuse, de chacune 4 onces, de l'eau de rose, & de bouroche, de chacune demi liure, du vin blanc deux onces, de la poudre de diamargartum frigidum, deux dracmes, de la se-

Epitheme.

mence de citron, & de basilic, de chacun demy once: faites vn epitheme que vous appliquerez sur le cœur, avec du drap d'escarlatté.

Ou bien ainsi,

Prenez de l'eau de nenuphar, & de roses de chacun huit onces, eau de melisse & vin blanc, de chacun deux onces, semence d'al-kermes, trois dracmes, diamargaritum frigidum, vne dracme.

Pour conclusion, si le virus pestiferé s'est changé en inflammation, sur quelque membre, & qu'il n'ait formé aucun bubon ny charbon, il faudra procurer sa cure, par la voye des autres inflammations, avec toutefois vne intention particuliere d'yne plus prompte resolution & discussion de la matiere, qui est plus ve-

nimeuse que celle des autres inflammations. Et toutes choses ainsi fidelement administrees, ie croy que les malades receuront le soulagement que ie prie Dieu leur donner en leur pauvre & desolée affliction.

F I N.



the first of the year
the second of the year
the third of the year
the fourth of the year
the fifth of the year
the sixth of the year
the seventh of the year
the eighth of the year
the ninth of the year
the tenth of the year

the eleventh of the year
the twelfth of the year
the thirteenth of the year
the fourteenth of the year
the fifteenth of the year
the sixteenth of the year
the seventeenth of the year
the eighteenth of the year
the nineteenth of the year
the twentieth of the year

the twenty-first of the year
the twenty-second of the year
the twenty-third of the year
the twenty-fourth of the year
the twenty-fifth of the year
the twenty-sixth of the year
the twenty-seventh of the year
the twenty-eighth of the year
the twenty-ninth of the year
the thirtieth of the year

the thirty-first of the year
the first of the year
the second of the year
the third of the year
the fourth of the year
the fifth of the year
the sixth of the year
the seventh of the year
the eighth of the year
the ninth of the year

the tenth of the year
the eleventh of the year
the twelfth of the year
the thirteenth of the year
the fourteenth of the year
the fifteenth of the year
the sixteenth of the year
the seventeenth of the year
the eighteenth of the year
the nineteenth of the year

the twentieth of the year
the twenty-first of the year
the twenty-second of the year
the twenty-third of the year
the twenty-fourth of the year
the twenty-fifth of the year
the twenty-sixth of the year
the twenty-seventh of the year
the twenty-eighth of the year
the twenty-ninth of the year

the thirtieth of the year
the thirty-first of the year
the first of the year
the second of the year
the third of the year
the fourth of the year
the fifth of the year
the sixth of the year
the seventh of the year
the eighth of the year

the ninth of the year
the tenth of the year
the eleventh of the year
the twelfth of the year
the thirteenth of the year
the fourteenth of the year
the fifteenth of the year
the sixteenth of the year
the seventeenth of the year
the eighteenth of the year

TRAICTE' DES VERTVS

ET PROPRIETEZ DE CE

nouveau remede contre la peste,
que les Indiens ont nommé
Contrayerua.

*Maximum certè in diebus nostris contra pestem
cælestius infusum remedium.*

RIEN que la difference
soit aux paroles, & la
vertu és choses, si est-ce
toutefois, que c'est vne
espece de perfectiõ, que de pou-
voir entédre le mystere du prin-
cipe de quelque chose, par la co-
gnissance de son origine, pro-
priété, vsage, & denominatiõ. Ce
n'est pas que l'intelligéce de tout
ce qui a estre soit cõprehensible
parvne philosophique speculatiõ
tirée du mēlange des qualités en
la premiere conformation: Car il
faut distinguer des qualités acti-

ues, & dire que les vnes sont perceptibles & faciles à cognoistre, & les autres obscures & difficiles à iuger. Les perceptibles sont celles qui agissent ou par leur qualité elementaire, comme le feu qui brusle, l'eau qui refroidit, le Nasitort qui fait veiller, & l'Opium qui fait dormir: ou par la similitude de leur substance, cōme le foye de loup, qui cōvient aux Hydro-piques, la tunique interieure du vētricule de la poulle aux Kaquetiques, le poulmon de renard aux Astmatiques, & le crâne hu-

*Actions
percepti-
bles.*

*Actions
obscures.*

main aux Epileptiques. Les obscures sont celles qui agissent ou de toute leur substance, comme le bol Armenien, & la cendre du cancre fluuiatil que Gal. met en cōtrouerse au 3. liur. des lieux affectés, disputant de la cure des

ulceres contre son precepteur
 Pelops: Ou par leur qualité oc-
 culte, cōme le Contrayerua, qui
 est salutaire à toutes sortes de
 pestiferés indifferemmet & le be-
 sahar, qui ayde aussi bien à l'hy-
 dropisie cōme à la fiebure, quoy
 que leurs causes soient contrai-
 res. Par ceste mesme qualité
 occulte, l'aymant attire le fer, le
 Theamedes le repousse; le syco-
 more se desseiche dans l'eau, le
 basilic tuë en regardant, & le pe-
 tit remora sans proportion de
 l'agent au patient, arreste con-
 tre vent & marée les plus puis-
 sants nauires en pleine mer, *Quod plineau*
non vlla possunt vincula, non an- 9. de ses
choræ, irreuocabili pondere iactæ: hist. na-
tuelles
 Voyla la distinction des actions *cha. 25.*
 euidētes & obscures qui pourroit
 se dilater iusques à traiter des


qualités sympathiques & antipathiques, n'estoit que l'heure s'approche de discourir du Contrayerua, pour lequel expressement, nous auons cultiué le champ du present chapitre. Il vault donc mieux apres auoir prouué la difference des actions, suiure son dessein, & dire, que le Contrayerua, est vn remede singulier, excellent, & bien esprouué contre la peste, qui se doit cognoistre par sa denomination spécifique, par sa forme, couleur, & saueur, par l'inuention de sa propriété, & par l'intelligence de sçauoir les lieux où il croist ordinairement. Premièrement par sa denomination spécifique, il faut entendre, que c'est vne racine qui a esté nommée par les Espagnols qui sont aux Indes, Contrayerua, qui si-

gnifie en leur lāgue, contre l'herbe: Pour autāt (disent-ils) qu'elle ne peut endurer le mēlange d'aucune herbe ny racine que ce soit, sans perdre les degrēs de les admirables vertus & proprietēs. Secondement, il faut cognoistre le Cōtrayerua par sa forme, couleur, & saueur, & noter que c'est vneracine de la grosseur du *Calamus aromaticus*, pour estre taillēe en mēme proportion: differēte toutefois, à cause de s^o escorce qui est rougeatre, à laquelle sont inserez plusieurs fibres & filamens rouges, blanche au dedās, oleagineuse en sa substāce, & par cōsequent difficile à pulueriser: ayant vne odeur, qui ne se peut presque comprēdre par comparaison de chose qui soit sēblable: S^o goust est extrêmement amer, chaud &

piquant, laissant à la langue, vne grande stipticité ou adstriction apres soy. Tiercement pour sçauoir l'inuentiō de sa propriété, il faut entendre, que c'ont esté les bergers de l'Indie qui ont les premiers coniecturé, qu'elle deuoit tenir rāg en la Medecine, quād ils ont veu leurs boucs, qui portent la pierre medicinale de besahar, se desbaucher de leurs troupeaux, pour courir apres ceste racine qu'ils aymēt & recherché sur tous les autres pasturages. A raison dequoy mesme ils auroiēt obserué q̄ le bouc, qui n'a point mangé de Contrayerua, ne peut par consequēt porter de Besahar.

Les lieux où croit le Contrayerua. Ceste racine croist en abondāce, aux Indes occidentales, en l'Amerique & en la neufue Espagne, de mesme forme & figure qu'elle

est icy pourtraite.



Voila donc, la naïue peinture du vray *Côtrayerua*, que i'a-uois expressement laissé couler dans les traitez de la methode preseruatiue & curatiue, tant pour obuier à vne trop lógue digression, que pour luy garder le rang de son merite, qui requeroit le labeur exprés d'un chapitre particulier. Restemaintenát à manifester le moyen de s'en seruir par la description du pois mesuré de chaque dose, & de sa legitime preparation, comme il s'ensuit.

*Preparation
du contrayerua*

Prenez de bon Contrayerua rapé, quinze ou vingt grains, faites-le tremper en deux ou trois onces de bon vin blanc toute la nuit, puis donnèz ceste infusion à boire à vostre malade; faites-le bien couvrir, & suer deux heures: La quantité de vingt grains se doit entendre pour les plus robustes. Car il faudra tousiours obseruer la proportion de la delicateſſe du corps malade qui se presentera: & diminuer selon la diuersité des occurrences. Partât si vn enfant de laiët est surpris de peste, vous pourrez luy en donner trois ou quatre grains, avec vn once de vin blanc.

*Effets
notables
du Contrayerua*

Le Contrayerua bien préparé de mesme, produit en toute saison, & en toute personne, les effets

fects admirables, qui sont, de provoquer la sueur abõdamment; mais vne sueur foetide & puante, qui tesmoigne, que l'expiration du *virus* pestiferé, s'est faite par les pores, comme bien tost apres l'on le cognoist à veuë d'œil par la bonne disposition de ceux qui l'ont pris de bonne heure; & au commencement de la maladie. Dauantage il a la proprieté de mollifier le ventre, qui est vne action contraire aux sudorifiques; de concilier l'appetit, fortifier le cœur, le foye, le cerueau, & l'estomach; & de chasser puissamment du centre en la circonferéce, des parties nobles, aux ignobles, & principalement aux emõctoirs, le *virus* pestiferé, en mondifiant le corps de ce qui luy est superflu,

& qui doit estre chassé par le mou-
uemēt critique de nature. Sa qua-
lité sudorifique est extrememēt
à priser, non simplement pour
prouoquer la sueur, mais entant
qu'elle a le pouuoir de fortifier
les parties nobles, en les deschar-
geant du venin contagieux: Car
si la qualité cardiaque n'estoit
ioincte à la qualité hydrotique,
tout ce qui pourroit prouoquer
la sueur, feroit le mesme effect
du Contrayerua. Ainsi est-il du
feu, qui n'est pas indifferent en la
peste. Car Gal. admiroit Hipoc.
au li. de l'ather. à Pis. d'auoir corri-
gé l'air pestiferé avec le feu non
ordinaire, mais qui estoit fait de
diuers bois aromatiques, qui de
toute leur substance sont con-
traires à la peste. Secondement

*Liv. de
la the. à
Pison.
chap 16.*

le Contrayerua est louable pour mollifier le ventre, & descharger seulement la premiere regiõ, car s'il passoit outre, il seroit plus incõmode que profitable, d'autant qu'il empescheroit la crise des emonctoires, & si ne pourroit ce faisant, euacuer la matiere morbifique, qui n'est pas contenue en la premiere region, mais dans les veines organiques & capillaires du corps: Combien que Landernacus reprove les crises qui se font par l'hemorrhagie du sang porté aux narines, parce (dit-il) que la matiere n'est pas dans les veines organiques, mais seulement dans les capillaires: Ce que ie luy nie absolument, car l'air corrompu premierement se glisse dans les

*Fausse
opinion
de Lan-
derna-
cus.*

conduits qui sont les plus patés, cōme sont les veines organiques, avant que de paruenir aux anfractuosités, ou circōflexions estroites des veines capillaires. La troisieme raison pourquoy le Contrayerua est extremement louable, c'est pour prouoquer l'appetit, & refrener l'ardeur de la bile, qui portee aux parties superieures, laisse vne amertume à la bouche, & vne inapetance à l'estomach. La quatriesme, & principale propriété d'iceluy, c'est d'affiner l'esprit vital, & de fortifier les parties nobles du corps, en chassant, & poussant aux emonctoires & parties ignobles, la matiere morbifique, au grand soulagement & profit des malades: Car comme en la peste les trois

principes de nature, que nous appellons *continentia*, *contenta*, & *impetum facientia*, c'est à dire les parties solides, les humeurs, & les esprits, sont offensez : Certes il ne nous restoit que le Cōtrayerua pour purifier les esprits, corriger & purger les humeurs, & fortifier toutes les parties solides du corps, desquelles les plus nobles sōt, le foye, le cœur, & le cerueau. Bref, l'on ne peut s'imaginer, chose plus rare, plus exquise, ny meilleure cōtre la peste, que ceste racine de Contrayerua, qui dans soy tient vnies & incorporees, toutes les qualités alexitaires, que l'on peut desirer en vn médicament. Ses effets admirables, qui sont de guarir toutes sortes de peste indifferemment, sans aucune

assistance d'autre remede que ce soit (si ce n'est quelquefois de l'un ou l'autre cataplasme attractif ou suppuratif) m'ôt tellemēt tesmoigné de toutes pars le merite de son excellence, que veritablement iamais ie n'eusse peiné mon esprit à descrire les remedes qui sont contenus dans la methode preseruatue & curatiue, n'eust esté pour dōner à cognoistre que sans le secours du Contrayerua, ie pouuois en temps & lieu, me seruir de la commune methode, tant des anciens que modernes Medecins. C'estoit aussi vne expresse volonté que i'auois, de cōfronter le Cedre du Liban, deuāt l'hissope qui croit parmi les chāps, le blanc deuant le noir, & la chose generale deuant la particuliere.

l'appelle le Cōtrayerua, médicament general, pour agir generallement en toutes personnes, & pour estre auiourd'huy des Indies Espagnols & Africains, preferé à la generalité des autres; voire mesme iusques à delaisser depuis ce nouveau remede, l'vsage de la Licorne & de la pierre de Besahar, qui auparauant estoient les derniers remedes, esquels consistoit toute l'esperance des pauvres pestiferez.

Certes ie suis de leur party en cela, car où ie trouueray du Contrayerua, la licorne, le besahar, ny aucun autre medicament ne me seruira au traitement de la peste. Je sçay que c'est des vns & des autres, & puis dire sans me flatter, auoir en vne infinité de pestife-

178 *Des Vertus du Contrayerua.*
rés tousiours en vn heurcux re-
cours au Contrayerua , quád iay
veu la Licorne & le Beshar ne
pouuoir rié faire. Que les Roys &
Princes d'óc dés à presét soiét ad-
uertis de ne magasiner plus leur
Lycorne qu'ils ont si chere, puis-
que la main liberale de Dieu par
vn don de grace particulier nous
a donné le Contrayerua , pour
foelicitier nos ans, fortunier nostre
vie, & reparer l'imbecillité de no-
stre nature..

F I N.